

DS
735
A2Y86
1771a
V. 23

University of Toronto

Library

c 400/4

ASIAN COLLECTION

御批歷代通鑑輯覽卷之四十五

南北朝

癸梁承聖二年魏主欽西二年齊天保四年

春正月魏宇文泰自加都督中外

諸軍事

三月梁武陵王紀伐江陵魏遣大將軍尉遲迴

尉遲魏之別部後以

爲氏迴字薄居羅代人

伐成都以救之

武陵王紀帥諸軍東下留蕭撫守成都梁主甚懼與魏

書曰子糾親也請君討之

左傳語

宇文泰曰取蜀制梁在

茲一舉諸將咸難之大將軍尉遲迴泰之甥也獨以爲可克泰問以方畧迴曰蜀與中國隔絕百有餘年恃其險遠不虞我至若以鐵騎兼行襲之無不克矣泰乃遣

迴自散關

注見前

伐蜀至涪水。潼州刺史楊乾運以州降。

迴分兵守之。進襲成都。蕭撫嬰城自守。迴圍之。紀聞有

魏兵。遣梁州刺史譙淹還救蜀。迴擊破之。初。紀世子圓

照鎮巴東。啟紀云。侯景未平。荆鎮已爲所破。宜急進討。

紀信之。趣兵東下。及至巴東。知景已平。乃悔。召圓照責

之。對曰。侯景雖平。江陵未服。紀亦以旣稱尊號。不可復

爲人下。欲遂東進。將卒日夜思歸。皆以爲宜救根本。更

思後圖。圓照及劉孝勝固言不可。紀從之。遂至西陵。護

軍陸法和拒之于峽口。

先是。法和旣擒任約。還請梁主

以待之。乃引兵屯峽口。及是。紀至。軍勢甚盛。法和築二

城于峽口兩岸。運石填江。鐵鎖斷之。梁主拔侯景故將

任約。謝答仁。于獄。配兵使助法和。

夏六月。梁復以王琳爲湘州刺史。陸納降。

先是王僧辯及蕭循進攻陸納。拔其二城。納衆大敗。走保長沙。僧辯進圍之。至是。梁主遣使送王琳。令說諭納。僧辯使送示之。納衆悉拜且泣。使謂僧辯曰。朝廷若赦王郎。乞聽入城。梁主從之。納遂降。梁主復琳官爵。使將長沙兵西援峽口。

秋七月。梁武陵王紀衆潰。梁主殺之。及其諸子。

武陵王紀遣將軍侯叡與陸法和相拒。梁主遣使與紀

書。許其還蜀。專制一方。紀不從。

梁主復與紀書曰。吾年

之功。膺此樂推。事歸當璧。倘遣使乎。良所希也。如日不

然。于此投筆。兄肥弟瘦。無復相見之期。讓棗推梨。永羅

權愉之日。心乎。紀頓兵日久。頻戰不利。又聞魏寇深入。

釋果有推梨讓棗之心。其
畫像釘體及密敕樊猛又
何爲哉。內實猜忌。外託文
言。以自解其執信之。

成都孤危憂懣不知所爲。乃遣樂奉業詣江陵求和。奉業啓梁主曰。蜀軍乏糧。士卒多死。危亡可待。梁主遂不許其和。巴東民斬峽口城主。降于王琳。謝答仁任約進攻侯叡。破之。于是兩岸十四城俱降。紀不獲退。順流東下。將軍樊猛字智武。南陽湖陽人。追擊之。紀衆大潰。赴水死者八千餘人。猛圍而守之。梁主密敕猛曰。生還不成功也。猛遂斬紀及其幼子圓滿。陸法和收圓照兄弟三人。送江陵。梁主絕紀屬籍。曰饗餐氏。下圓照等于獄。絕其食。至嚙臂啖之。十二日而死。遠近聞而悲之。

八月。成都降魏。魏以尉遲迴爲益州刺史。

魏尉遲迴圍成都五旬。蕭撫屢戰皆敗。乃請降。諸將欲

湘東雖還據建康亦未能保其不敗第就彼時形勢而論建康尚有險要可憑江陵則偏隅受敵強弱判然乃宗懷等皆安土重遷釋復優柔寡斷既下而後仍不決下策卒如魏人所料坐待滅亡庸劣無斷之人自取禍敗率如此

不許迴曰降之則將士全遠人悅攻之則將士傷遠人

懼遂受之吏民皆復其業唯收奴婢及儲積以賞將士

軍無私焉魏以迴為益州刺史已而魏命迴自劍閣以

明賞罰布威恩綏輯安民經畧未附華夷懷之

九月梁遣王僧辯還建康陳霸先還京口

梁主下詔將還建康將軍宗懷字元懷潁陽人黃羅漢皆楚人

不願移胡僧祐亦以為不可梁主令朝臣議之會者五

百人梁主曰勸吾去者左祖左祖者過半朱買臣言于

梁主曰建康舊都山陵所在荆鎮邊疆非王者之宅願

陛下勿疑以致後悔臣家在荊州豈不願陛下居此但

恐是臣富貴非陛下富貴耳梁主使術士杜景豪卜之不吉對曰未吉退而言曰

此北為兗梁主以建康凋殘江陵全盛意亦安之卒從賊所留也

僧祐等議乃詔王僧辯還鎮建康陳霸先復還京口

梁以陸法和為郢州刺史

法和為政不用刑獄專以沙門法及西域幻術教化部

曲數千人

已而法和上表自稱司徒梁主怪之僕射王褒曰法和既有道術容或先知梁主乃就拜

之王褒字子深儉之曾孫

齊納蕭退

鄱陽王子恢之子

于梁不克

齊主使鄧元建治水軍于合肥將襲建康納梁湘渾侯

退梁主使南豫州刺史侯瑱與戰于東關

注見前

敗之齊

師退

是冬齊宿預民東方白額以賊降梁梁江西州郡皆起兵應之

冬十一月突厥攻柔然齊主擊之遷柔然于馬邑川

注見前

突厥請降。

先是突厥伊利可汗死。弟木杆俟斤立。

木杆剛勇多智。數善用兵。鄰國

畏之。至是木杆攻柔然。柔然舉國奔齊。齊主擊突厥。迎納

柔然。廢其可汗庫提立阿那瓌子菴羅辰為可汗。置之馬邑川。給其廩餼繒帛。親追突厥。突厥請降。許之而還。

自是貢獻相繼。

甲梁承聖三年。魏恭帝戊戌。廓元年。齊天保五年。春正月。齊主擊山胡。敗之。

齊主討山胡。大破之。男子十三以上皆斬。女子及幼弱

皆賞軍。遂平石樓。

山名。在山西汾州府石樓縣東南。水經注。蒲川水出石樓山。卽此。石

樓絕險。自魏世所不能至。于是遠近山胡莫不懾服。都

督戰傷其什長不能救。齊主命剗其五藏。令九人食之。肉及穢惡皆盡。自是始為威虐。

魏作九命九秩之典

宇文泰始作九命之典以敘內外官爵改流外品為九

秩內命三公九命三孤八命六卿七命上大夫六命中

命外命諸公九命諸侯八命諸伯七命諸子六命諸男

五命公之孤卿四命侯之孤卿公之大夫三命子男之

孤卿侯伯之大夫公之上士再命公之中士三命侯伯之上

士一命公之下士侯伯之中士再命公之中士三命侯伯之上

祿下士一百二十五石中士以上至于上大夫各倍之

卜大夫是為四千石卿二分孤三分公四分各益其一

公為一萬石其九秩一百二十石八秩至于七秩每二

秩六分而下各去其一二秩俱為四十石凡頒祿視年

之上下上年頒全中年頒半下年頒一無年不頒具見隋書百官志

高歡尚自知逐君之醜字
文泰乃再行篡弒而改號
復姓恬不為怪史家徒以
其建官命秩剽竊周禮稱
為崇儒好古無識甚矣

氏。魏宇文泰廢其主欽而立齊王廓文帝第四子復姓拓跋

先是魏尚書元烈謀殺宇文泰事覺泰殺之魏主有怨

言密謀誅泰。泰諸子皆幼。以諸壻爲心膂。清河公李基

字仲和。義城公李暉。勳之子。常山公于翼。字文若。分掌禁

兵。至是。魏主謀泄。泰廢魏主。置之雍州。立其弟齊王廓。

去年號稱元年。復姓拓跋氏。魏初統國三十六。大姓九

十九。後多滅絕。泰乃以諸將功高者爲三十六國。次者

爲九十九姓。所將士卒亦改從其姓。

魏遣使如梁。

魏侍中宇文仁恕聘于梁。會齊使者亦至。梁主接仁恕。

不及齊使。仁恕歸。以告宇文泰。梁主又請據舊圖定疆

境。辭頗不遜。泰由是有圖江陵之志。梁王詵聞之。益重

其貢獻。魏荊州刺史長孫儉。嵩五世孫。屢陳攻取之策。泰徵

儉入朝。問以經畧。復命還鎮。密為之備。馬伯符本梁將。降于魏。

密使告梁主。梁主弗之信。

齊主殺其尚書左丞盧斐。字子章。同之子。李庶。諧之子。

齊中書令魏收。字伯起。子建之子。撰魏書。頗用愛憎為褒貶。每

謂人曰。何物小子。敢與魏收作色。舉之則使升天。按之

則使入地。既成。中書舍人盧潛。左丞盧斐。李庶。皆言其

誣罔不直。收啟齊主云。臣既結怨彊宗。將為刺客所殺。

齊主怒。于是斐。庶。皆坐謗史。鞭二百。配甲坊。潛亦坐繫

獄。斐。庶。死獄中。然時人終不服。謂之穢史。

夏四月。魏宇文泰弑其故主欽。

五月。梁以王琳為廣州刺史。

魏稱不有人禍必有天
淵。作史而自附古之遺
意。猶恐不免。况收自以
任情舉按。曲筆肆穢。其遭
發棄棄。可不亦宜乎。然收
猶有人心。者能自言之。其
似收之為。而不肯自言者。
視收又甚矣。

廣州刺史蕭勃。自以非梁主所授。內不自安。啓求入朝。

梁主徙勃爲晉州。

梁于同安郡置豫州。後改曰晉州。同安故城在今安慶府桐城縣。刺

史以琳部衆彊盛。又得衆心。故使代勃以遠之。

琳私謂主書廣

漢李膺曰。琳。小人也。蒙官拔擢至此。今天下未定。遷琳嶺南。如有不虞。安得琳力。竊揆官意。不過疑琳。琳分望有限。豈與官爭爲帝乎。何不以琳爲雍州刺史。鎮武寧。琳自放兵作田。爲國禦捍。膺然其言。而弗敢啓。

六月。齊冀州刺史段韶伐梁。拔宿預。

先是。梁侵齊。陳霸先圍廣陵。嚴超達圍涇州。

梁置今泗州。天長縣。

是。侯瑱、張彪俱出石梁。

晉戍。後周置縣。隋省。故城在今天長縣。

杜僧明將

兵助東方白額。至是。齊冀州刺史段韶討白額。留兵圍

之。而自引兵倍道趣涇州。擊破超達。迴趣廣陵。霸先解

圍走。僧明、瑱、彪等皆還。韶至宿預。使人說白額。白額出

迎執而斬之。

秋九月梁主講老子于龍光殿。

冬十月魏遣柱國于謹帥師伐梁。十一月入江陵。十二月執梁主繹殺之。

魏遣柱國于謹中山公宇文護

字薩保泰兄子

大將軍楊忠將

兵五萬伐梁。

長孫儉問謹曰爲

漢河還據丹陽上策也退保子城以待援

軍中策也難于移動據守羅郭下策也儉曰

謹曰下策儉曰何故謹曰繹懦弱而無謀多疑少斷愚民

難于慮始皆戀邑居所以知其用下策也

武寧太守宗均告魏兵且至領軍

胡僧祐黃羅漢曰二國無隙必應不爾乃復遣侍中王

琛使魏。

去年琛先使魏

于謹至樊鄧梁王督帥衆會之梁主乃

停講戒嚴琛至石枕。

杜佑曰在沔州沔口上沔州今安陸府沔陽州是

馳報羅

魏師悉銳窺梁如入無人之境守臣告警胡黃輩尚付之漠然且逆止法和赴援之旅不知蕭繹君臣何所持以無恐而王琛石枕

報書方以為無恣所謂自
作孽不可道

臨敵聽講巡城和詩甚至
坐困金城猶以焚書折劍
自嗟文武道盡其驂抑可
悲

漢曰境上帖然前言皆兒戲耳梁主乃復請百官戎服

以聽徵王僧辯為大都督命陳霸先徙鎮揚州僧辯遣

侯瑱帥程靈洗

字元滌新安海寧人

為前軍杜僧明帥吳明徹

字通

昭秦

人為後軍

陸法和聞魏師至將赴江陵梁主使逆止

部人

之曰此自能破賊法和還州亞其城門著

衰經坐葦席

終日乃脫之十一月魏軍濟漢于謹令宇文護楊忠帥

精騎先據江津斷東路梁主出城行柵插木為之周六

十里以將軍胡僧祐僕射王褒分督城東西軍事魏軍

至柵下梁主乃徵王琳為湘州刺史使引兵入援于謹

令築長圍中外遂絕梁主巡城猶口占為詩羣臣亦有

和者

梁主又裂帛為書趣王僧辯曰吾忍死待公可以

至矣

胡僧祐等出戰皆敗朱買臣按劍進曰惟斬

宗慄黃羅漢可以謝天下梁主曰曩實吾意宗黃何罪

王琳軍至長沙長史裴政請聞道先報江陵至百里洲

爲魏人所獲。梁王詵謂政曰：我武皇帝之孫也，不可爲兩君乎？若從我計，貴及子孫，不然，腰領分矣。政詭曰：惟命。詵鎖之。至城下，使言曰：僧辯已自爲帝，王琳不復能來。政乃言曰：援兵大至，各思自勉。詵怒，命殺之。參軍蔡大業諫曰：此民望也，殺之，則荊州不可下矣。乃釋之。裴政，遂之孫，蔡大業，大寶之弟。魏人百道

攻城，胡僧祐親當矢石，晝夜督戰，獎勵將士，明行賞罰。衆咸致死，所向摧殄。魏不得前，俄而僧祐中流矢死，內

外大駭。魏悉衆攻柵，反者開西門，納魏師。梁主退保金

城。

子城也。

諸將皆散。梁主乃焚古今圖書十四萬卷，以寶

劍擊柱折之，歎曰：文武之道，今夜盡矣。命御史中丞王

孝祀作降文。

謝答仁諫曰：城中兵衆猶彊，乘間突圍而

素不便走馬。

曰：事必無成，祇增辱耳。答仁求自扶，梁主

王褒曰：答仁，侯景之黨，豈可信？

答仁又請守子城，收兵

梁主然之，褒以爲不可。

答仁歐而死于謹徵，子爲

質，梁主從王褒送之。

謹子以褒善書，給之紙筆，褒乃書

德毅策似可聽然揆之理

口。柱國常山公家奴王褒。梁主遂白馬素衣出門。督使鐵騎擁之入

營。囚于烏幔之下。十二月。魏人殺梁主及太子元良等。

于謹收府庫珍寶及宋渾天儀。梁銅晷表。及諸法物。盡

俘王公以下。及選百姓男女數萬口為奴婢。分賞三軍。

小弱者皆殺之。

梁主性殘忍。魏師圍城。獄中死囚且數千人。有司請釋之。以充戰士。梁主不許。

悉令倍殺之。事未成而城陷。性好書。晝夜不釋。嘗曰。我新于文士。愧于武夫。及城陷焚書。或問何意。梁主曰。讀書萬卷。猶有今日。故焚之。被害後。

嘗以布帊纏尸。葬于津陽門外。

魏取襄陽。徙梁王督。使稱帝于江陵。屯兵守之。

魏立督為皇帝。取雍州之地。而資以荊州。延袤三百里。

又置防主。將兵居西城。名曰助防。實以制督也。初。魏師未還。督

將尹德毅說督曰。江東之人。塗炭至此。咸謂殿下為之。人盡讎也。誰與為國。今魏之精銳。盡萃于此。若殿下為

勢斷不能行。蓋于謹楊忠
皆魏宿將。豈肯無備受愚
就縛以冀陽一隅之人。又
豈能盡滅魏軍。使晉果用
其言。亦不過自速禍敗耳。

設享會。預伏武士。因而斃之。分命諸將。掩其營壘。大殲
羣醜。俾無遺類。取江陵百姓。撫而安之。文武羣僚。隨材
銓授。魏人懾息。未敢送死。王僧辯之徒。折簡可致。然後
朝服濟江。入踐皇極。晷刻之間。大功可立。古人云。天與
不取。反受其咎。願殿下恢弘遠畧。勿懷匹夫之行。答曰。
卿此策。非不善也。然魏人待我厚。若遽為此。人將不食
吾餘。至是。闔城繫虜。又失襄陽。乃恨不
用德毅之言。尹德毅。天水人。正之子。

梁王僧辯陳霸先奉晉安王方智

元帝少子。承制。

乙梁敬帝方智紹泰元年。魏恭帝二年。齊天保
亥六年。後梁中宗宣帝蕭詧天定元年。凡四國。春正月。梁
王詧始稱帝。

梁王詧即位。改元于江陵。賞刑制度。並同王者。唯上疏

于魏。則稱臣。奉其正朔。以蔡大寶為侍中尚書令。王操

字子高。太為五兵尚書。大寶嚴整有智謀。雅達政事。文

原晉陽人。辭贍速。操亦亞之。

梁廣州刺史王琳救江陵弗及。次于長沙。遣兵伐後梁。

琳將兵北下。至蒸城。

後漢臨蒸縣故城也。隋省入衡陽。衡陽今湖南衡州府治。

聞江

陵已陷。為世祖發哀。三軍縞素。道別將侯平帥舟師攻

後梁。琳屯兵長沙。傳檄州郡。為進取之計。長沙王韶

字德

茂懿之子。及上游諸將皆推琳為盟主。

齊遣梁貞陽侯淵明還梁稱帝。以兵納之。

二月梁王方智立。

是為敬帝。

晉安王方智自尋陽入建康。即梁王位。

時年十三。

以王僧辯

為中書監錄尚書事。驃騎大將軍都督中外軍事。加陳

霸先征西大將軍。

僧辯居石頭。霸先在京口。僧辯推心待之。子顥屢諫不聽。

夏五月。梁王僧辯奉淵明歸建康。以梁王方智為太子。

先是齊主遣殿中尚書邢子才詣建康與僧辯書令迎

淵明

書曰嗣主冲藐未堪負荷彼貞陽侯梁武猶子長沙之嗣以年以望堪保金陵故置為梁王卿宜迎

接

僧辯不從已而淵明至東關

注見前

散騎常侍裴之橫

字如岳之高弟

禦之敗死僧辯大懼乃出屯姑孰遣使奏啟于

淵明定君臣之禮因求以梁王為太子淵明許之自采

石濟江齊師還淵明入建康望朱雀門而哭道逆者以

哭對入即位以方智為太子王僧辯為大司馬陳霸先

為侍中

六月齊人歸郢州于梁

魏師之圍江陵也齊主遣清河王岳救之至義陽江陵

已陷岳因進軍臨江梁郢州刺史陸法和以州降

長史王琨

不從。齊主遣儀同三司慕容儼。字侍德。清都成安人。伐之。儼始入州。王僧辯遣侯瑱攻之。奄至城下。儼隨方備禦。瑱等攻之不克。城中食盡。煮草木根葉及靴皮帶角食之。堅守半歲。人無異志。至是。淵明立命瑱還豫章。齊人以地遠難守。割以予梁。凡梁民亦還之。

秋八月。齊以道士爲沙門。

齊主以佛道二教不同。欲去其一。集二家學者論難于前。遂敕道士皆剃髮爲沙門。有不從者殺四人。乃奉命。九月。梁陳霸先殺王僧辯。廢淵明。冬。十月。復立方智。稱藩于齊。

王僧辯之納淵明也。陳霸先遣使爭之。不從。霸先歎曰。

窺覷神器已久。襲殺之舉。非以為梁特欲去害己者而已。

武帝子孫甚多。唯孝元

是年四月追諡廟號世祖

能復讐雪耻。其子

何罪而忽廢之。吾與王公並處託孤之地。而王公一旦

改圖。外依戎狄。援立非次。其志欲何為乎。乃密謀襲建

康。會有告齊師至者。僧辯遣人告霸先使為備。霸先部

分將士。使徐度。侯安都等。水陸俱進。人皆以為將禦齊

師。不之怪也。至石頭。安都先帥眾踰北城而入。霸先軍

入自南門。僧辯方視事。外白有兵。俄而兵自內出。僧辯

與子頤帥左右苦戰。敗走就執。霸先曰。我有何辜。公欲

與齊賜討。而乃無備如此。僧辯曰。委公北門。何謂無備。

霸先殺之。既而竟無齊兵。淵明遜位就邸。十月。方智即

皇帝位。告齊以僧辯陰圖篡逆。仍請稱藩于齊。封淵明

爲建安公。

梁陳霸先自爲尚書令都督中外諸軍事。

梁吳興太守杜龕叛。梁遣陳蒨

霸先兄道譚子。卽陳文帝。

討之。

杜龕素恃王僧辯之勢。不禮于陳霸先。

龕。僧辯之壻。

霸先深

怨之。及僧辯死。龕據吳興以拒霸先。義興太守韋載字德

基。獻之孫。以郡應之。僧辯弟僧智爲吳郡太守。亦據城拒守。

先是霸先將圖僧辯。密遣兄子蒨還長城。

晉縣。五代吳越改長興。今

屬湖州府。立柵以備龕。及是蒨至長城。收兵纔數百人。龕遣

其將杜泰攻之。數旬不克而退。霸先使周文育攻義興。

不利。自表東討。至義興。拔其水柵。以書諭韋載。載降。霸

先還建康。使周文育討杜龕。裴忌

字無畏。聞喜人。攻吳郡。忌輕

行夜至城下。鼓譟薄之。僧智奔吳興。忌入據郡。明年。蒯

克吳興。獲龕。殺之。

龕勇而無謀。嗜酒常醉。其將杜泰陰與蒯等通。說龕使降。龕然之。其妻王氏曰。讐隙如此。豈復可和。因出私財賞募。復擊蒯等。破之。既而泰出降。龕尚醉未覺。遂見殺。王氏截髮出家。僧

智及弟僧情奔齊。

梁譙

今潁州。

秦

今六合縣。

刺史徐嗣徽。南豫州刺史任約。襲建康。

不克。入于石頭。以叛。齊遣兵援之。敗還。嗣徽約奔齊。

徐嗣徽從弟嗣先。王僧辯之甥也。僧辯死。亡就嗣徽。嗣

徽以州入于齊。會陳霸先東討義興。嗣徽密結任約。將

兵乘虛襲建康。據石頭。游騎至闕下。時侯安都。杜陵

字雄

盛錢塘人。居守。安都閉門示弱。下令城中。登陴窺賊者斬。及

夕。嗣徽等還。安都夜為戰備。將旦。嗣徽等又至。安都出

戰大破之。嗣徽等奔還石頭。霸先卷甲還自義興。引韋載與共謀議。十一月。齊遣兵渡江。據姑孰。以應嗣徽。又

遣兵渡糧馬入石頭城。霸先用韋載計。

霸先問計于載。載曰。齊若分兵

先據三吳之路。畧地東境。則時事去矣。今可急于淮南築城。以通東道。轉輸分兵。絕彼糧路。使進無所資。則齊將之首旬日可致。霸先從之。淮南秦淮之南也。秦淮源出溧水縣西北流。貫江寧府城。又西北入大江。秦時所鑿。故名。使侯安都夜燒齊船千餘艘。周鐵虎斷齊運輪。仍

遣載于大航築壘。使杜稜守之。齊人亦立柵與相拒。使

都督蕭軌

北齊書蕭軌事。行史闕其傳。

將兵屯江北。十二月。霸先帥

諸軍攻嗣徽柵。齊將柳達摩等渡淮置陳。霸先疾戰。燒

柵。齊兵大敗。溺死者以千數。嗣徽與任約引齊兵頓浦

口。

此秦淮之口。非江北浦口也。

霸先遣侯安都襲破之。嗣徽等單舸

脫走。霸先攻石頭。城中無水。達摩請和。且求質子。時建

康虛弱。糧運不繼。乃與齊和。以霸先從子曇朗及永嘉

王莊

方等子

等為質。而與齊盟。嗣徽約皆奔齊。

齊失亡馬仗船米。不

可勝計。齊主乃誅柳達摩。

齊主殺其清河王岳。

初。齊平秦王高歸彥

字仁英。高祖族弟。

幼孤。高祖令清河王岳

養之。情禮甚薄。歸彥心銜之。岳屢將兵立功。有威名。而

性豪侈。好酒色。起第城南。歸彥譖之。言其僭擬。齊主惡

之。齊主納倡婦薛氏有寵。既而知其嘗與岳通。益怒。使

歸彥鳩岳殺之。

久之。齊主無故斬薛氏。藏首于懷。出東山宴飲。勸酬始合。忽出其首投于梓上。

一座大驚。復命收取。對之流涕。載尸以出。被髮步哭而隨之。

魏降其宗室王者為公。

突厥滅柔然。可汗鄧叔子奔魏。突厥取而殺之。

突厥木杆可汗擊柔然滅之。柔然主鄧叔子收其餘燼

奔魏。時木杆西破嚙噠。

注見前。

東走契丹。北并契骨。

明三

即唐之結骨。唐書點戛斯。古堅昆國。或曰結骨。

威服塞外。其地東自遼海。西至

西海。

即青海。

長萬里。南自漠北五六千里。皆屬焉。木杆恃

其彊。請盡誅鄧叔子等于魏。宇文泰收叔子以下三千

餘人。付其使者。盡殺之于青門外。

長安東南霸城門。民見門色青。因曰青門。

即漢召平種瓜處。

丙梁太平元年。魏恭帝三年。齊天保七年。

綱目以後梁子為北朝附庸。歲首不書年號。唯嗣位改元。乃書。今依之。

春正月。魏初建六官。以宇文泰為大冢宰。

初宇文泰以漢魏官繁令蘇綽及尚書令盧辯

字景先同兄子

依周禮定六官至是行之以泰為太師大冢宰李弼為

太傅大司徒趙貴為太保大宗伯獨孤信為大司馬于

謹為大司寇侯莫陳崇為大司空自餘百官皆倣周禮

梁遣兵擊侯瑱于湓城

江州刺史侯瑱本事王僧辯擁兵據豫章及江州不附

陳霸先霸先使周文育將兵擊湓城又遣侯安都周鐵

虎立柵于梁山以備之

已而瑱為王琳將侯平所敗霸先使記室蔡景歷說瑱令將瑱

乃詣闕歸罪霸先以為司空

蔡景歷字茂世濟陽考城人

三月齊儀同三司蕭軌侵梁次于蕪湖

齊遣蕭軌等與任約徐嗣徽合兵十萬侵梁出柵口

江

之口。注見前。

向梁山。

即天門山。注亦見前。

陳霸先帳內盪主。

主勇士以突盪敵人。

者黃叢逆擊破之。齊師退保蕪湖。

夏五月梁建安公淵明卒。六月陳霸先及齊師戰敗之。殺

蕭軌及徐嗣徽。

齊人召建安公淵明。詐許退師。陳霸先具舟送之。會其

病卒。齊兵遂至秣陵。陳霸先令周文育與徐度杜稜禦

之。齊人跨淮立橋。柵度兵自方山。

注見前。

進及兒塘。

在上元縣。

東建康震駭。霸先拒嗣徽等于白城。

即白下城。注見前。

適與文

育會將戰。風急。霸先曰。兵不逆風。文育曰。事急矣。何用

古法。抽槊上馬先進。眾軍從之。風亦尋轉。安都帥十二

騎突嗣徽陳破之。六月齊兵至幕府山。

在江寧府西北。輿地紀勝。晉元

帝渡江王導建幕府其上因名霸先遣別將擊其糧運盡獲之齊兵殺

馬驢以食轉至元武湖注見前西北連日大雨平地水丈

餘晝夜坐立泥中懸隔以爨而臺中及潮溝在上元縣西吳時鑿

引潮以抵秦淮故名北路燥梁軍每得番易然四方糧運不至士

卒皆饑疲會陳舊饋米三千斛鴨千頭霸先命炊米煮

鴨裹以荷葉未明蓐食出幕府山與吳明徹等首尾齊

舉縱兵大戰侯安都自白下引兵橫出其後齊師大潰

死者不可勝計擒徐嗣徽斬以徇追奔至于臨沂晉倫置屬

南琅邪郡故城在今句容縣北諸軍相次克捷虜蕭軌等斬之齊軍士

縛荻筏以濟溺死甚衆唯任約王僧愔得免梁軍士以賞俘

一人裁得一醉齊人聞蕭軌等被殺亦殺陳曇朗

梁王琳遣使奉表于魏于齊

侯平頓破後梁軍。以王琳兵威不振。不受指麾。琳遣將討之。平收其衆奔江州。侯瑱與結爲兄弟。琳軍勢益衰。遣使奉表于齊。江陵之陷。琳妻子沒于魏。琳又獻款于魏以求之。亦稱臣于梁。

齊大治宮室。

齊發丁匠三十餘萬修廣三臺宮殿。

齊主之初立也。留心政治。內外肅然。

洋洋狂謬所不必言。至楊憤氣能匡正而轉以死。因供御爲爾旋之計。史臣亦從而美之。昏於上。政濟於下。是誠言。

軍國機策。獨決懷抱。每臨行陣。親當矢石。所向有功。數年之後。漸以功業自矜。遂嗜酒淫佚。肆行狂暴。袒露形體。街坐巷宿。高氏婦女。不問親疎。往往亂之。或以賜左右。不從者。手刃之。作大鑊長鋸。剉確之屬。陳之于庭。每醉輒手殺人。以爲戲樂。楊濟乃簡死囚置仗內。謂之供御囚。齊主欲殺囚。輒執以應命。三月不殺。則宥之。開府參軍裴謂之上書極諫。齊主謂楊濟曰。此愚人何敢如是。對曰。彼欲陛下殺之。以成名于後世。齊主曰。我且不

殺爾焉得名。一日泣謂羣臣曰。黑獺不受我命。奈何。都督劉桃枝曰。臣得三千騎。請擒之以來。齊主壯之。賜帛千匹。趙道德進曰。桃枝妄言應誅。陛下奈何。濫賞齊主。卽回絹賜之。典御丞李集面諫。比之桀紂。齊主令縛置流中。久之引出。謂曰。吾何如桀紂。集曰。彌不及矣。又令沉之。引出更問。如此數四。集對如初。齊主大笑曰。天下有如此癡人。方知龍逢比干。未是俊物。遂釋之。頃之入見。似有所諫。竟斬之。由此內外慄慄。各懷怨毒。而能委政楊愔。總攝機衡。百度修敕。是以主昏于上。政清于下。

秋七月。梁陳霸先自爲司徒。揚州刺史。進爵長城公。

九月。梁陳霸先自爲丞相。錄尚書事。

魏及突厥襲吐谷渾。敗之。

突厥木杆可汗。假道于涼州。以襲吐谷渾。魏宇文泰使

涼州刺史史寧。

字永初。建康袁氏人。

帥騎隨之。吐谷渾奔南山。木

杆將追之。寧曰。樹敦。

吐谷渾所都。城在今西寧府邊外。曼頭山北。

賀真。與樹敦相。

近二城吐谷渾之巢穴也拔其本根餘衆自敗木杆從

之與寧分道破二城復與會于青海注見前歎寧勇決贈

遺甚厚明年吐谷渾寇涼鄯河三州秦州都督遣渭州刺史于翼赴援翼曰攻取非夷俗所長寇來不

過抄掠耳掠無所獲勢將白走數日問至果如其言

冬十月魏太師大冢宰安定公宇文泰卒書法與高歡同例說見前世

子覺泰第三子後代嗣

泰北巡度河還至牽屯山即雞頭山注見前而病驛召中山公

護至涇州謂曰吾諸子皆幼外寇方彊天下之事屬之

于汝宜努力以成吾志遂卒泰能駕馭英豪得其力用性好質素不尚虛飾明達

政事崇儒好古凡所施設皆倣三代而爲之及卒諡曰文公世子覺嗣位時年十五爲太

師柱國大冢宰安定公出鎮同州護名位素卑及是輔政羣公莫服護問計

秦東國專政魏主位若贅
旒幸天奪其年正可因之
反正于謹身為大臣不聞
一語匡維魏室顧總總焉
為護定策決謀不踰年而
宇文氏遂得肆其篡逆養
禍賊而釀禍胎謹之罪奚
異賣國哉

于大司寇于謹謹曰今日之事謹必以死爭之若對衆
定策公必不得讓矣明日會議謹曰昔帝室傾危非安
定公無復今日一旦違世嗣子雖幼中山公親其兄子
兼受顧託軍國之事理須歸之辭色抗厲衆皆悚動謹
素與泰等夷護常拜之至是謹起再拜羣公亦拜于是
衆議始定同州西魏置今為府屬陝西胡三省曰宇文
泰輔政常居此以其地扼
關河齊人後軼所必由也

齊併省州縣

齊主詔以魏末豪傑糾合鄉部因緣請託各立州郡公
私煩費丁口減于疇日守令倍于昔時于是併省三州
一百五十三郡五百八十九縣三鎮三十六戍

十二月魏宇文覺自為周公

齊築長城

先是齊自黃櫨嶺

在今汾州府永寧州西北起長城北至社平戍在今

朔平府左雲縣廢武州境。四百餘里。置三十六戍。事在天保三年。已而發民

一百八十萬。自幽州夏口。胡三省注。夏當作下。即居庸下口也。居庸。注見前。西

至恒州。注見前。築長城九百餘里。在天保六年。至是復自西河

總秦戍。在今大同府西北。築長城。東至于海。前後所築。

東西凡三千餘里。率十里一戍。其要害置州鎮。凡二十

五所。明年。又于長城內。築重城四百餘里。

丁梁太平二年。魏恭帝四年。齊天保八年。陳高祖武帝陳

丑霸先永定元年。周孝愍帝宇文覺元年。九月以後。世宗

明帝毓元年。是歲梁魏皆亡。陳周代。春正月。周宇文覺稱

并齊三大國。後梁一小國。凡四國。天王。是為愍帝。廢魏主為宋公。宇文護自為大司馬。魏自太祖

元。至孝武帝入關。凡十三主。一百五十年。而分為東西魏。

西魏自孝武後。至恭帝亡。又三主。合二十二年。東魏孝靜

帝一主。在位十七年。先亡。

魏宇文護以周公覺幼弱欲早使正位以定人心以魏

主詔奉冊璽禪位于周遷魏主出居大司馬府覺即天

王位

追尊文公為文王妣為文后封魏帝為宋公以木德承魏水行夏之時服色尚黑以李弼為太師趙

貴為太傅大冢宰獨孤信為太保大宗伯中山公護為大司馬

周主

字文自稱天王綱目以春秋天王乃天子之稱不得以此字之僅書王則又非實故仍書周主汪克寬以

主當作王非是祀圜丘定郊廟之制

周主祀圜丘曰謂先世出于神農

宇文氏自謂炎帝為黃帝所滅子孫遷居

朔野其後有葛鳥兔者鮮卑奉以為主至普回遂以宇文為氏

以神農配二丘始祖獻

侯莫那

普回子自陰山始徙遼西

配南北郊文王配明堂廟號太祖

仍用鄭康成義立太祖與二昭二穆為五廟

禮記王制天子七廟

鄭康成注此周制七者太祖及文王武王之祧與親廟四殷則六廟契及湯與二昭二穆夏則五廟無太祖禹

與二昭二穆而已。其有德者。別為祧廟不毀。

二月梁蕭勃起兵廣州。次于南康。今贛州府。注見前。陳霸先遣將

軍周文育擊之。獲其將歐陽頔。傅泰。勃為其下所殺。

勃起兵于廣州。遣歐陽頔及其將傅泰蕭孜。勃從子。為前

軍。南江州刺史余孝頃。余氏由余之。後以名為氏。據新吳。以兵會之。

因就置南江州。以為刺史。新吳。漢縣。南唐改奉新。今屬南昌府。陳霸先遣周文育帥

諸軍進討。頔出南康。屯苦竹灘。亦曰苦竹洲。在南昌府豐城縣西南。泰據

蹠口城。在南昌府南。昌縣西南。孝頃出豫章。據石頭。此非建康之石頭。乃豫章

之渚名。在南昌府新建縣西北。水經注。贛水西岸有磐石。謂之石頭。津步處也。文育于豫章立

柵。分遣老弱乘故船。沿流俱下。燒豫章柵。偽若遁去者。

孝頃望之。大喜。不復設備。文育由間道兼行。據頔及孜。

秦孝頃之間。築城饗士。頽等大駭。文育遣周鐵虎等襲頽。擒之。文育盛陳兵甲。與頽乘舟而宴。巡蹕口城下。使其徒丁法洪攻秦。擒之。攻孝頃。退走。勃軍聞之。恟懼。遂殺勃。文育送頽。秦子建康。霸先與頽有舊。釋之。以為衛州刺史。使討嶺南。遂克廣州。攻孝頃。猶據石頭。霸先遣侯安都。助文育攻之。攻出降。孝頃逃歸。已而從王琳屯臨川。故城。明年兵敗。擒送建康。臨川。吳郡。齊廢故曰故城。隋于此置撫州。今為府。屬江西。

周宇文護殺冢宰趙貴。大宗伯獨孤信。

周楚公趙貴。衛公獨孤信。故皆與太祖等夷。及晉公護專政。皆怏怏不服。貴謀殺護。信止之。護聞之。遂殺貴。免信官。自為大冢宰。未幾復殺信。

周宇文護弒宋公。

宇文護羽翼已成。難以輕制。貴謀亦不過決變之懷。然使其事果成。則剪大鱗以杜奸萌。庸詎非萬一之幸。乃償於獨孤信之沮止。在信非有深識遠慮。直為

苟全性命計耳卒亦被戮
元何益哉

夏六月梁陳霸先遣兵擊王琳于郢城

先是陳霸先徵王琳爲司空琳不就徵大治舟艦將攻
霸先霸先遣侯安都周文育將舟師會武昌以擊之

齊大蝗

河南北大蝗齊主以問魏郡丞崔叔瓚季舒之兄對曰五行

志土功不時蝗蟲爲災今外築長城內興三臺殆以此
乎齊主大怒使左右毆之擢其髮以溷沃之曳足以出

秋八月周人歸故梁主繹之喪于王琳

琳請之也後四年琳敗奔齊陳人始葬之

九月梁陳霸先自爲相國封陳公加九錫

周宇文護弒其君覺及其柱國李遠而立寧都公毓小名統萬

突。太祖長子。
是為明帝。

周主覺性剛果。見宇文護執政深惡之。司會

周官。大冢宰屬。後周

為中大夫。李植。遠之。

軍司馬

周官。大司馬屬。後周為中大夫。

孫恒以先朝佐

命入侍左右。亦疾護之專。乃與宮伯

周官。掌王宮。後周亦為中大夫。乙

弗

代北。復姓。

鳳賀拔提濟謀。請周主誅護。周主然之。植等又

引宮伯張光洛同謀。光洛以告護。護乃出植恒于外。鳳

等益懼。更請周主召羣公入讌。因執護誅之。光洛又以

告護。時領軍尉遲剛

字婆羅。迴之弟。

總統禁兵。護召之。共謀廢

立。因遣入宮執鳳等。罷散宿衛兵。周主方悟。獨在內殿。

令宮人執兵自守。護遣柱國賀蘭祥

其先為賀蘭莫何。弗因以為氏。祥字

盛樂武川人。

逼周主遜位。幽于舊第。召公卿議。廢周主為畧

陽公迎立岐州刺史寧都公毓。鳳、恒等皆被殺。時李植父柱國遠鎮弘農。護召遠及植還朝。既至，植自陳初無此謀。護令畧陽公與相質。植辭窮，乃曰：「本為此謀，欲安社稷，利至尊耳。」今日至此，何事云云。于是護乃害植，并逼遠令自殺。尋弑畧陽公。黜其后元氏為尼。寧都公至自岐州，即天王位。後護誅追諡略陽公為孝愍皇帝。

冬十月，梁陳霸先自進爵為王，遂稱皇帝。是為武帝。廢梁主為

江陰王。梁自武帝代齊至敬帝亡，凡四主，合五十五年。

梁主禪位于陳。陳王使中書舍人劉師知沛國相人引將軍

沈恪。

字子恭，武康人。

勒兵入宮，衛送梁主如別宮。恪排闥見王，

叩頭謝曰：「恪經事蕭氏，今日不忍見此，分受死耳。決不

奉命。王嘉其意。更以王僧志代之。王遂卽位于南郊。奉梁主爲江陰王。

陳以蔡景歷爲中書通事舍人。

是時政事皆由中書省。置二十一局。各當尚書諸曹。總國機要。尚書唯聽受而已。

陳主祠蔣帝廟。

注見前。

梁王琳及陳人戰。敗之。獲其將周文育。侯安都。遂克江州。

侯安都至武昌。王琳將樊猛棄城走。周文育自豫章會

之。安都聞陳主受禪。歎曰。今茲必敗。戰無名矣。時兩將

俱行。不相統攝。部下交爭。稍不相平。軍至郢州。圍之未

克。而王琳至。安都乃悉衆詣沌口。

在漢陽府漢陽縣西。南水經注。沌水經沌。

陽縣南。注于川謂之沌口。沌，音充反。合戰大敗。又都文育及裨將周鐵虎

程靈洗皆被擒。鐵虎辭氣不屈。琳殺之。因安都等總以

長鎖繫之。移湘州軍府就郢城。遣樊猛襲據江州。

陳以蕭乾

字思暢。齊豫章王嶷之孫。

為建安

吳郡。今福建寧府是。

太守。

時熊曇朗在南昌。

曇朗，南昌人。世為郡著姓。侯景之亂，聚眾據豐城為柵。梁元帝以為巴山

太守。

江陵陷。曇朗力浸疆。紹泰末，領豫章太守。豐城，晉縣。今屬南昌府。巴山，梁郡。隋廢。故城在今撫州府

崇仁

周迪在臨川。

迪，臨川南城人。侯景之亂，迪宗人續起兵臨川。尋為其部將所殺。迪勇冠

軍中。遂推為主。

紹泰末，授臨川內史。留異在東陽。侯景之亂，會稽以異為

泰末。

授臨川內史。留異在東陽。侯景之亂，會稽以異為

辭使異慰勞

東陽。異糾合鄉閭，保據嚴阻。其徒曰盛。陳

江陵陷。僧辯

以異仍守東陽。紹泰末，封永興縣侯。侯

寶應在晉安。

寶應，晉安侯官人。父羽為郡雄豪。侯景之

亂。梁晉安太守蕭雲

以郡讓羽。羽令寶應

典兵。士眾彊盛。

侯景平。元帝以羽為晉安太守。紹泰元

是。往往立砦以自保。陳主患之。使侍郎蕭乾諭以禍福。

豪帥皆降。卽以乾爲建安太守。

已而曇朗據新淦。以應王琳。廸攻之。曇朗敗走。

爲村民所殺。廸後進號南安將軍。陳徵之。令出鎮淦城。不至。陰與留異相結。寶應亦潛與異合。于是陳遣兵討廸。異。廸衆潰。異戰敗。俱奔晉安。陳遂進軍討寶應。破之。擒寶應。并異。送建康。伏誅。廸竄山谷間。久之。潛出臨川。太守駱牙誘而斬之。傳首京師。初。會稽虞寄。流寓閩中。依寶應。常從容論以順逆。寶應輒引他語亂之。及廸。果奔晉安。寄復以書切諫。寶應不從。後寶應敗。謂其子曰。早從虞公言。不至今日。新淦。漢縣。故城在今江西臨江府清江縣。今新淦縣。隋開皇中徙置駱牙。字旗門。臨安人。虞寄。字次安。會稽餘姚人。

周以合狐整

字延保。爲豐州。

梁置興州。後周爲豐州。隋改爲均州。今州屬襄陽府。刺

史。

初。梁興州刺史席固。

字子堅。安定人。居襄陽。

以州降魏。魏以爲豐

州刺史。久之。固不遵北方制度。周人密欲代之。乃以司

憲中大夫後周置貳秋官以左右刑罰令狐整權鎮豐州。整傾身撫

接人情遂洽。于是除整刺史。徙固湖州。西魏置。故城在今南陽府唐縣。

整遷州于武當。漢縣。明省。故城在今均州。旬日之間。府城周備。遷者

如歸。固部曲多願留為整左右。整諭以朝制。弗許。莫不

流涕而去。

十二月。齊主幽其弟永安王浚。字定樂。高祖第三子。上黨王渙。字敬壽。高

祖第七子。于地牢。

初。齊有術士言。亡高者黑衣。齊主因問左右。何物最黑。

對曰。無過于漆。齊主以上黨王渙。于兄弟第七。執之。渙

殺使者而逃。為人所獲。送鄴。齊主又與永安王浚有舊

怨。齊主少。雌儒與浚皆見世宗。有時洩出。浚及即位。浚責左右曰。何不為二兄拭鼻。因深銜之。

爲青州刺史。聰明矜恕。吏民悅之。浚以齊主嗜酒敗德。

欲乘驛至鄴。面諫。或密以白齊主。齊主益銜之。已浚入

朝。從幸東山。齊主裸程爲樂。浚進諫曰。此非人主所宜。

又于屏處召楊愔。譏其不諫。時齊主不欲大臣與諸王

交通。愔懼。奏之。齊主大怒。浚尋還州。又上書切諫。詔徵

浚。浚懼禍。謝疾不至。齊主遣馳驛收之。老幼泣送者數

千人。至鄴。與上黨王渙。皆盛以鐵籠。置于地牢。飲食溲

穢。共在一所。後齊主如北城。因視浚。渙于地牢。臨穴謳歌。令浚渙和之。浚渙悲怖。聲顫。齊主愴然

泣下。將赦之。長廣王湛素與浚不睦。進曰。猛虎安可出穴。齊主默然。使左右刺之。浚渙號哭呼天。乃燒殺之。遠

近痛憤。長廣王湛高祖第九子。後爲武成帝。

戊寅。陳永定二年。周明帝春正月。梁王琳伐陳。次于白水。乞

悉達亮為梁臣梁為陳篡
自當舉州以應何至兩受
將軍平觀成敗唐南詔蒙
氏既奉朝命又通吐蕃時
謂之兩頭蠻於茲可謂罕
譬而喻

師于齊

王琳引兵十萬下至湓城屯于白水浦。今日白水港在九江府德化縣

西。以魯悉達為將軍。陳主亦以悉達為將軍。各送鼓吹

女樂。悉達兩受之。而無所就。琳不敢下。乃遣使求援于

齊。且請納永嘉王莊。前質于齊。琳在白水。周文育

歸陳。主遣尚書謝哲往諭琳。琳請還湘州。陳軍亦還。已

而魯悉達部將引齊兵入北江州。悉達遂奔陳。謝哲字穎豫。肅之子。北江州。注見前。

周宇文護自為太師

二月。齊北豫州刺史司馬消難。字道融。子如之子。叛入于周。

消難以齊主昏虐滋甚。陰為自全之計。曲意撫循所部。

上黨王渙之亡也。鄴中大擾。疑其赴成臯。御史中丞畢

御批歷代通鑑輯覽卷之八十五

義雲遣御史詣北豫州先禁消難與籤家客等消難懼

密請降于周周遣柱國達奚武大將軍楊忠帥騎士迎

之武等從間道馳入齊境三遣使消難皆不報武疑有

變欲還忠曰有進死無退生獨以千騎夜趣城下城

四面峭絕但聞擊柝聲武親至麾數百騎西去忠勒餘

騎不動侯門闕而入馳遣召武武以消難及其屬先歸

忠以三千騎為殿至洛南皆解鞍而卧齊眾來追至洛

北忠謂將士曰今在死地賊必不敢度水已而果然乃

引還武歎曰達奚武自

謂天下健兒今日服矣

齊納梁永嘉王莊于梁軍以王琳為梁丞相琳遂以莊稱

帝改元天啓

夏四月陳主霸先弒江陰王諡曰梁敬帝

五月陳主捨身于大莊嚴寺

冬齊以常山王演高祖第六子錄尚書事

四月弒逆五月捨身獲罪將安禱乎方諸同泰之愚可謂如出一轍

初常山王演以齊主沈酒憂憤形于顏色齊主覺之謂

曰。但令汝在我何爲不縱樂演雖啼立拜伏。竟無所言。

齊主亦大悲。抵盃于地曰。自今敢進酒者斬。未幾沈酒

益甚。演又密撰事條將諫。其友王友也。諸王宮僚有師有友。王晞字叔

則北海劇人。以爲不可。演不從。因問極言。齊主大怒。召演于

前。以刀鐶擬脇。求演之過。不得。乃釋之。及演錄尙書事。

除官者。皆詣演謝去。必辭。晞言于演曰。受爵天朝。拜恩

私第。自古以爲不可。宜一切約絕。演從之。久之。演從容

謂晞曰。主上起居不恒。吾豈可以前逢一怒。遂爾結舌。

卿宜爲撰諫草。吾當伺便極諫。晞遂條十餘事以呈。因

謂演曰。今朝廷所恃唯殿下。乃欲學匹夫耿介。輕一朝

之命。一旦禍至。奈家業何。演欷歔不自勝。即焚之。後復

乘間苦諫。齊主使力士亂捶之。會醉得解。齊主褻黷之遊。遍于宗戚。

唯至常山之第。則不適而去。太子殷自幼溫裕開朗。甚有美名。齊主以其不似已。欲廢之。使手刃囚。太子惻然。

不斷其首。齊主大怒。親以馬鞭撞之。太子由是氣悸。語吃。精神昏擾。齊主因酣宴。屢云。太子性懦。社稷事重。終

當傳位常山。太子少傳魏收。謂楊愔曰。太子國之根本。不可動搖。此言非所以為戲。愔白收言。齊主乃止。齊主

既殘忍。有司莫不嚴酷。或堯鞏耳。使囚立其上。或燒車缸。使以臂貫之。惟郎中蘇瓊所至。皆以寬平為治。有人

告反者。事或付瓊。多得申雪。蘇瓊字珍之。武強人。

齊減百官祿

齊主北築長城。南助蕭莊。士馬死者以數十萬計。重以

修築臺殿。賜與無節。府藏之積。不足以供。乃減百官祿。

撤軍人常廩。併省州郡縣鎮戍之職。以節費用焉。

十二月。陳高涼太守馮寶卒。

時海隅擾亂。寶妻沈氏懷集部落。數州宴然。其子僕生

九年。是歲遣帥諸酋長入朝。詔以爲陽春守。梁置陽春郡。隋改爲

縣。今屬廣

東肇慶府。

已陳永定三年。周武成。春正月。周主始親政。

卯元年。齊天保十年。

宇文護上表歸政。周主始親萬機。軍旅之事。護猶總之。

是月。周改都
督爲總管。

夏四月。齊主殺其膠州刺史杜弼。閏月。復殺其僕射高德。政。

齊主之爲魏相也。弼爲長史。齊主將受禪。弼諫止之。僕射高德政用事。弼又不爲之下。德政數短之。齊主因飲

酒遣使斬弼既而悔之驛追不及德政以齊主酣飲數
疆諫齊主不悅謂左右曰高德政恒以精神陵逼人德
政懼稱疾楊愔素忌德政因謂齊主曰若用德政為冀
州病當自差從之德政即起齊主大怒殺之先是崔暹
往哭謂其妻曰頗思暹乎對曰思之齊主
曰然則往省之乃手斬其妻擲首墻外

五月丙辰朔日食

六月霖雨

周以霖雨詔羣臣極諫左光祿大夫樂遜字遵賢河上
東裔氏人

言時宜其尤切于政要者凡四事其一以為比來守令
代歸期促責其成效

專務威猛今關東之民淪陷塗炭若不布政優優何以
使彼勞民歸就樂土其二以為頃者魏都洛陽一時殷
盛貴勢競為侈靡終使禍亂交興比來朝貴器服稍華
百工造作務盡奇巧臣誠恐物逐好移有損政俗其三

以為選曹補擬。宜與眾共。眾心明白。然後呈奏。其四。以為高洋據有山東。未易猝制。警備甚劫。相持爭行。先後若一行不當。或成彼利。誠應捨小營大。先保封域。不宜貪利邊陲。輕為興動。

周主賜處士韋夔

字敬遠。孝寬兄。

號逍遙公。徵魏將軍寇儁

字祖雋。上

谷昌平人。入見。

夔志尚夷簡。魏周之際。十徵不屈。太祖重之。不奪其志。

周主禮敬尤厚。號曰逍遙公。晉公護延之至第。訪以政事。夔仰視歎曰。酣酒嗜音。峻宇雕牆。有一於此。未或不亡。護不悅。驃騎大將軍開府儀同三司寇儁。少有學行。家人嘗賣物。多得絹五匹。儁知之。曰。得財失行。吾所不取。訪主還之。敦睦宗族。與同豐約。教訓子孫。必先禮義。自大統中。稱老疾。不朝謁。周主欲見之。儁不得已入見。

周主引與同席。問以舊事。以御輿送之。

陳主霸先歿。兄子臨川王蒨立。

是為文帝。

先是。陳主詔臨川王蒨築城于南皖。

卽皖口鎮。皖水入江之口也。在今安

慶府懷寧縣西。

及是。陳主以疾歿。

陳主臨戎制勝。英謀獨運。而不輕調發。性儉素。常膳不過數品。私宴用瓦器。蚌

盤。穀核充事而已。後宮無金翠之飾。不設女樂。

時子

昌

字敬業。始興王道譚次子。卽宣帝。

皆以江陵之陷。沒于長安。內

無嫡嗣。外有彊敵。宿將在外。朝無重臣。唯中領軍杜稜

典宿衛兵。章皇后召稜。及中書侍郎蔡景歷。入禁中。定

議。急召臨川王蒨于南皖。侯安都軍還適至。遂與王俱

還至建康。羣臣奉王嗣位。王謙讓不敢當。后以昌故未

肯下令。羣臣猶豫不能決。安都曰。今四方未定。何暇及

遠臨川王有大功于天下。今日之事。後應者斬。卽拔劍上殿曰。皇后出璽。是日。禕卽位。諡陳主曰武皇帝。廟以號高祖。葬萬安陵。侯瑱爲太尉。安都爲司空。

秋八月。周主始稱皇帝。

周御正中大夫崔猷。字宣猷。挺之孫。建議以爲聖人沿革。因時

制宜。今天子稱王。不足以威天下。請遵秦漢舊制。稱皇帝。建年號。從之。

冬十月。齊主洋殂。太子殷立。是爲廢帝。

齊主嗜酒成疾。自知不能久。謂李后曰。人生必有死。何足致惜。但憐正道尚幼。人將奪之耳。又謂常山王演曰。奪則任汝。慎勿殺也。召尚書令楊曄。領軍平秦王歸彥。

侍中燕子獻

字季則。廣漢下洛人。

侍郎鄭願

字子默。彭城人。

受遺詔輔政。

十月。殂于晉陽。

諡文宣皇帝。廟號高祖。後改顯祖。葬武寧陵。

羣臣無下泣者。

唯楊惛涕泗嗚咽。太子殷卽位。詔諸雜作一切停罷。

庚陳世祖文帝。諱天嘉元年。周武成二年。齊辰主殷乾明元年。肅宗孝昭帝。演皇建元年。春二月。梁丞

相琳伐陳。敗績。與梁主莊皆奔齊。

王琳聞陳高祖殂。乃以孫瑒

字德璉。吳人。

爲郢州刺史。總留

任奉梁主莊出屯濡須口。齊行臺慕容儼帥衆臨江。爲

之聲援。琳攻大雷。陳遣侯瑱。侯安都及徐度將兵禦之。

吳明徹夜襲湓城。琳遣兵擊敗之。因引兵東下。二月。琳

至柵口。侯瑱出屯蕪湖。相持百餘日。周人聞琳東下。遣

荊州刺史史寧將兵數萬乘虛襲郢州。孫瑒嬰城自守。

琳恐衆潰。乃帥舟師去蕪湖十里而泊。齊軍屯于西岸。軍勢甚盛。時西南風急。琳引兵直趣建康。瑱等徐躡其後。廐反爲瑱用。琳擲火炬。皆反燒其船。瑱發拍拍竿也。以拍敵船。擊艦。以牛皮冒蒙衝小船觸之。琳軍大敗。齊軍自相蹂踐。陳軍乘之。斬獲萬計。琳走奔齊。梁主莊左右皆散。獨侍中袁泌字文洋。昂之子。以輕舟送莊。達于齊境。拜辭而還。遂奔陳。御史中丞劉仲威之遴。奉莊奔齊。樊猛及其兄毅字智烈。帥部曲降陳。孫瑒固守郢州。周人圍之。不能克。及琳敗。周人聞陳師將至。乃解圍去。瑒集將佐謂曰。吾與王公同獎梁室。勤已至矣。時事如此。豈非天平乎。遂以州降陳。齊太傅常山王演殺尚書令楊愔等。自爲丞相。都督中外諸軍事。

齊顯祖之喪。常山王演居禁中。護喪事。婁太后欲立之。而不果。齊主殷立。演乃居東館。事皆咨決。楊愔等以演與長廣王湛。位地親逼。恐不利于嗣主。忌之。居頃之。演出歸第。自是詔敕多不關預。齊主將發晉陽。時議謂演必留守本根。楊愔疑之。使與長廣王湛俱從還鄴。外朝駭愕。先是領軍將軍可朱渾天和元之子。作曰。若不誅二王。少主無自安之理。及是。燕子獻謀處婁太后于北宮。使歸政李太后。楊愔又以爵賞多濫。悉加澄汰。由是失職之徒。歸心二王。平秦王歸彥。初與楊燕同心。既而中變。歸彥總知禁衛。情留從駕兵五千于西中。不關白歸彥。歸彥由是怨愔。盡以其謀告二王。侍中宋欽道廣平人。弁之孫。向侍東宮。面奏齊主曰。二王權

重宜速去之。齊主不許。愔等乃奏李太后出二王爲刺
史。宮人李昌儀卽高仲密之妻也。李太后以啟示之。昌
儀密啟婁太后。愔等又議不可令二王俱出。乃奏以湛
鎮晉陽。演錄尚書事。二王拜職。丁尚書省大會百僚。愔
等將赴之。鄭頤止之。愔不聽。湛伏家僮數十人于後室。
及宴。與賀拔仁。斛律金等。于坐執愔。及天和。欽道子獻
毆之。愔大言曰。諸王反逆。欲殺忠良邪。尊天子。削諸侯。
赤心奉國。何罪之有。使人執頤。頤曰。不用智者言至此。
命也。二王與歸彥等。擁愔等突入雲龍門。至昭陽殿。婁
太后出坐殿上。李太后及齊主側立。演叩頭曰。臣與陛
下骨肉至親。楊遵彥等欲獨擅朝權。威福自己。若不早

圖必爲宗社之害。臣與湛等已共執之。未敢刑戮。專輒

之罪。誠當萬死。

時衛士二千餘人皆被甲待詔。武衛娥

視齊主素吃訥。倉猝不知所言。婁太后令却仗。不

退。又厲聲曰。奴輩卽今頭落。乃退。永樂內刀而泣。婁太

后乃讓齊主曰。此等懷逆。欲殺我二子。次將及我。爾何

爲縱之。齊主不能言。婁太后怒且悲曰。豈可使我母子

受漢老嫗斟酌。李太后拜謝。齊主乃曰。天子亦不敢爲

叔惜。況此漢輩。但勾兒命。自下殿去。此屬任叔父處分。

遂皆斬之。以中書令趙彥深代楊愔總機務。演爲大丞

相。都督中外諸軍。錄尚書事。

演遂如晉陽。齊主詔軍國之政皆申晉陽。稟大丞相

規算。

陳衡陽王昌自周歸于陳。陳主殺之。

初。陳高祖以其子昌。姪頊在長安。屢請于周。周不遣。至是。乃遣昌還。昌致書陳主。辭甚不遜。陳主召侯安都謂曰。太子將至。須別就一藩歸老。安都曰。自古豈有被代天子。臣愚不敢奉詔。請自迎之。于是陳主遂以昌爲衡陽王。昌濟江。安都于中流殞之。以溺告。安都因進爵清遠公。

陳遣使如周。

初。高祖遣毛喜。

字伯武。陽武人。

從安成王頊詣江陵。梁元帝以

喜爲侍郎。没于長安。至是與昌俱還。因進和親之策。陳主乃使周弘正通好于周。

夏四月。周宇文護進毒弑其君毓。毓弟魯公邕。

太祖第四子。立。

是為武帝。

周主明敏有識量。宇文護憚之。使膳部中大夫

後周置屬冢宰

胡三省曰。唐光祿寺之職也。

李安寘毒于糖餽

九餅也。餽都回反。

而進之。周

主覺之。口授遺詔五百餘言。且曰。朕子年幼。未堪當國。

魯公邕。朕之介弟。寬仁大度。海內共聞。能弘我周家。必

此子也。遂殂。

諡明皇帝。廟號世宗。葬昭陵。

邕即位。邕初為世宗所親

愛。大事多與之叅議。性深沉有遠識。非因顧問。未嘗輒

言。

秋八月。齊常山王演廢其主殷。為濟南王。而自立。

是為孝昭帝。

演以王晞為司馬。嘗密謂曰。比諸勲貴。敦迫言我違天

不祥。恐當有變。吾欲以法繩之。何如。晞曰。比者殿下倉

猝所行。非復人臣之事。上下相疑。何由可久。殿下雖欲
謙退。恐墜先帝之基。演曰。卿勿多言。晞又密以問趙彥
深。彥深曰。我比亦驚此聲論。每欲陳聞。則口噤心悸。弟
旣發端。吾亦當昧死一披肝胆。因勸演。演遂言于婁太
后。趙道德曰。相王不效周公輔成王而欲骨肉相奪。不
畏後世謂之篡邪。未幾。演復啟太后。以人心未定。恐奄
忽變生。須早定名位。太后從之。八月。下令廢齊主殷爲
濟南王。出居別宮。以常山王演入纂大統。且戒之曰。勿
令濟南有他也。演遂卽位于晉陽。詔封功臣。禮賜耆老。
延訪直言。褒賞死士。追贈名德。齊主演識度沈敏。少居
臺閣。明習吏事。卽位尤
自勤勵。大革顯祖之弊。嘗問舍人裴澤得失。對曰。陛下
聰明至公。而頗傷細。帝王之度。頗爲未弘。齊主笑曰。朕

初臨萬幾慮不周悉故致如此。但恐後又嫌疎漏耳。羣臣進言皆從容受納。性至孝。太后不豫。容色貶悴。衣不解帶。食飲藥物皆手親之。齊主欲以王晞爲侍郎。苦辭不受。或勸之曰。我少年以來閱要人多矣。得志少時。鮮不顛覆。人主私恩。何由可保。萬一披猖求退。無地非不好作要官。但思之爛熟耳。

陳太尉侯瑱攻湘州。周遣軍司馬賀若敦

代人救之。

江陵之陷也。巴湘之地皆入于周。周使梁人守之。至是

陳太尉侯瑱等將兵逼湘州。周遣軍司馬賀若敦將步

騎救之。又遣獨孤盛將水軍與敦俱進。會秋水汎溢。糧

援斷絕。敦恐瑱知之。乃于營內多爲土聚。覆之以米。召

旁村人陽有訪問。隨卽遣之。瑱以爲實。瑱又增修營壘

爲久留之計。

先是士人多乘輕船載米肉以餉瑱軍。敦乃僞裝餉船。伏甲士于中。瑱軍望見逆來。

爭取甲士出而擒之。又敦軍數有乘馬投瑱者。敦乃別取一馬。率以趣船。令船中逆以鞭鞭之。如是再三。馬畏

不上。然後伏兵江岸。使人乘畏船馬。詐降瑱軍。瑱遣兵迎接。馬畏船不上。伏發盡殺之。後實有餽餉。又二降者。瑱皆拒擊之。已而瑱襲破獨孤。盛于楊葉洲。胡三省注。在湘江口。盛收

兵登岸。築城自保。

是冬。巴陵降陳。獨孤盛將餘衆潛遁。侯瑱與賀若敦相持日久。明年正月。

敦拔軍北歸。于是巴湘遂入于陳。

冬十一月。齊以盧叔虎

柔從叔。

爲太子庶子。

齊主問時務于叔虎。叔虎請伐周。曰。我彊彼弱。我富彼貧。其勢相懸。然未能併吞者。此失于不用彊富也。宜立重鎮于平陽。與彼蒲州相對。深溝高壘。運糧積甲。彼閉關不出。則蠶食其地。若彼出兵。則費損必多。我軍士年別一代。一年一更戍也。穀食豐饒。彼來求戰。我則不應。彼若退去。我乘其弊。與我相持。農業且廢。不過三年。彼自破矣。

齊主深善之。

十二月陳制春夏不斷死刑。

齊置屯田。

初齊境糴貴左丞蘇珍芝建議修石鼈

城名在揚州府寶應縣鄧艾所

築等屯自是淮南軍防足食平州刺史嵇晞建議開督

亢陂

注見前

置屯田歲收稻粟四十萬石北境周贍又于

河內置懷義等屯

胡三省注齊分河內汲郡為懷州置懷義等屯

以給河南之

費自是稍止轉輸之勞

辛陳天嘉二年周高祖武帝邕保定

巳元年齊世祖武成帝湛太寧元年

春正月周宇文護自

加都督中外諸軍事

又詔五府總于天官事無巨細皆先斷後聞

齊以王琳爲揚州刺史。

齊主使王琳出合肥召募。更圖進取。陳合州刺史裴景徽請爲鄉導。齊主使琳與盧潛將兵赴之。琳沉吟不決。

景徽恐事泄。挺身奔齊。齊主以琳爲驃騎開府揚州刺

史。鎮壽陽。

已而琳與潛有隙。齊徵林還鄴。以潛爲揚州刺史。

二月。周以韋孝寬爲勳州刺史。

周人以韋孝寬嘗立勳于玉壁。乃置勳州于玉壁。以孝

寬爲刺史。孝寬有恩信。善用間諜。故齊之動靜。皆先知

之。

齊境生胡。數爲抄掠。不可誅討。孝寬欲築城于險要。以制之。遣開府姚岳監之。岳以兵少不敢前。孝寬曰。

此城距晉州四百餘里。築之十日可畢。吾一日創手。三日敵境始知。晉州徵兵。三日方集。謀議之間。自稽二日。計其軍行。二日不到。我之城隍辦矣。乃築之。齊人果至境上。疑有大軍。停留不進。其夜孝寬使諸村縱火。齊人

築城備警。非不足以集事。孝寬促成於旬日之間。使敵人猝不及覺。其膽識勝姚岳遠甚。然亦幸而賊兵畏沮不前。工役得如期。

而就若謂孝寬之按日逆計皆能億中不爽則未免粉飾之過也

以爲軍至收兵自回岳卒城而還

三月周制十二丁兵

周改八丁兵

境內丁兵分爲八番以八節代役

爲十二丁兵率歲一月

役

分爲十二番每月一代

夏四月丙子朔日食

秋七月周更鑄錢

文曰布泉一當五與五銖並行

九月齊主演弑濟南王

濟南王在鄴望氣者言鄴中有天子氣平秦王歸彥恐

王復立勸齊主除之齊主乃使歸彥詣鄴徵濟南王至

晉陽殺之

勿齊主之誅楊燕也許以長廣王湛爲太弟既而立太子百年湛心不平及齊主徵濟南

演不能容殷湛獨能容百
年乎作法不憾丁寧嗟何
及耶

士湛方守鄴問計于散騎常侍高元海元海曰有三策
請殿下如梁孝王故事從數騎入晉陽見太后主上請
去兵權不干朝政此上策也不然表請青齊刺史沈靖
自居此中策也更問下策曰發言即恐族誅固逼之元
海曰濟南世嫡主上奪之今集文武示以威濟南之救
斬高歸彥尊立濟南號令天下以順討逆此萬世一時
也湛大悅然未能用
高元海高祖從孫

冬十月甲戌朔日食

十一月齊主演殂弟長廣王湛立

是為武成帝

廢太子百年為

樂陵王

齊主演出畋馬驚墜地絕肋婁太后視疾問濟南所在

者三齊主不對太后怒曰殺之邪不用吾言死其宜矣

遂去不顧齊主乃徵湛立之又與書曰百年無罪可以

樂處置之勿效前人遂殂

諡孝昭皇帝葬文靖陵

遺命至鄴湛猶

疑其詐。使所親先詣殯所發視。使者復命。乃喜。馳赴晉陽。卽位。立百年爲樂陵王。

周遣使如陳。

周人許歸陳安成王頊。使司會上士杜杲

字子暉。杜陵人。如陳。

陳主遣使報之。并貽以黔中地及魯山郡。

注俱見前。

十二月。陳立鹽賦。權酤法。

庶子虞荔

字山披。寄之兄。

中丞孔奐

字休文。會稽山陰人。

以國用不足。奏

立之。

壬陳天嘉二年。齊河清元年。周保午定二年。後梁世宗歸天保元年。

春閏二月。齊以高歸彥

爲冀州刺史和士開

字彥通。清都臨漳人。

爲黃門侍郎。

平秦王歸彥爲肅宗所厚。恃勢驕盈。至是。侍中高元海

等言其必為禍亂。齊主亦尋其反覆之跡。漸忌之。以為冀州刺史。齊主之為長廣王也。和士開以善。握漿彈琵琶。有寵。及即位。累遷黃門侍郎。高元海及中丞畢義雲。黃門郎高乾和。皆疾之。將言其事。士開乃奏。元海等交納朋黨。欲擅威福。乾和由是被疎。義雲納賂。得為兗州刺史。歸彥至冀州。內不自安。欲待齊主如晉陽。乘虛入鄴。事覺。齊主遣段韶等討之。歸彥閉城拒守。已而城破。擒送鄴。並其子孫皆棄市。

陳改鑄五銖錢。

梁末喪亂。鐵錢不行。民間私用鵝眼。至是。改鑄五銖錢。一當鵝眼之十。

後梁主詔殂。太子歸立。

是為文帝。

後梁主安于儉素。不好酒色。以封疆褊隘。邑居殘毀。鬱鬱不得志。疽發背而殂。諡曰宣帝。廟號中宗。

三月。陳安成王頊自周歸于陳。

周遣杜杲送頊南歸。陳以爲中書監。陳主謂杲曰。家弟今蒙禮遣。實周朝之惠。然魯山不返。亦恐未能及此。杲對曰。安成。長安一布衣耳。而陳之介弟也。其價豈止一城而已哉。本朝敦睦九族。恕已及物。上遵太祖遺旨。下思繼好之義。是以遣之南歸。今乃云以尋常之士。易骨肉之親。非使臣之所敢聞也。陳主甚慚。曰。前言戲之耳。後梁有加。頊妃柳氏及子叔寶。卽後主。猶在穰城。陳主復遣毛喜如周請之。周人皆歸之。

夏四月齊太后婁氏殂

齊主不改服服緋袍登三臺置酒作樂宮女進白袍和士開請止樂齊主怒搃之

齊青州言河水清

齊主遣使祭之改元

周始命貴臣食邑

先是周之羣臣受封爵者皆未給租賦至是詔聽寄食他縣

秋九月戊辰朔日食

癸陳天嘉四年周保定未三年齊河清二年

春正月齊以高元海爲兗州刺史

齊主終日酣飲朝事專委高元海又以元海庸俗輕之

兗州刺史畢義雲作書與元海論時事。給事中李孝貞得而奏之。齊主由是疎元海。以孝貞兼中書舍人。徵義雲還朝。和士開復譖元海。齊主以馬鞭箠元海。責曰。汝昔教我反。以弟反兄。不義也。以鄴城抗并州。無智也。出之兗州。

二月。周頒大律。

周主命司憲大夫拓跋迪

周令諸元從本姓。事具前。

造大律二十五

篇。行之。其制罪。一曰杖刑。自十五至五十。二曰鞭刑。自

六十至百。三曰徒刑。自一年至五年。四曰流刑。自二千

五百里至四千五百里。五曰死刑。磔

懸而絞。縋而殺之。斬梟

縣首。示衆也。裂車裂

凡二十五等。

五刑之屬各有五。

三月乙丑朔日食。

齊城軹關。

在今懷慶府濟源縣西北。述征記。太行八陁。第一曰軹關陁。

齊詔司空斛律光督步騎二萬築勲掌城。以通勲掌谷。故名。于

軹關。仍築長城二百里。置十二戍。

夏四月。周主養老于太學。

周主將視學。以太傅燕國公于謹爲三老。仍賜以延年杖。遂幸太學。謹入門。周主迎拜。謹答拜。有司設席于中。

楹。大師護設几。謹升席南面。憑几而坐。大司馬豆盧寧

豆盧。代北複姓。寧字永安。徒河人。

正舄。周主立于斧扆之前。西面。有司

進饌。周主跪設醬豆。袒割。謹食畢。周主跪受爵以醕。有

司徹。周主北面立而訪道。謹起立于席後以對。言曰。木受繩則

正。后從諫則聖。明王虛心納諫。以知得失。天下乃安。又曰。去食去兵。信不可去。願陛下守信勿失。又曰。有功必賞。有罪必罰。則爲善者日進。爲惡者日止。又曰。言行者立身之基。願陛下三思而言。九慮而行。勿使有過天子之過。如日月之食。人莫不知。願陛下慎之。周主再拜受言。謹答拜。禮成而出。六月。陳殺其司空侯安都。

初。安都鎮京口。恃功驕橫。陳主銜之。安都弗之覺。嘗陪樂遊園。襖飲。謂陳主曰。何如作臨川王時。陳主曰。此雖天命。抑亦明公之力。宴訖。啓借供帳水飾。明日載妻妾入宴。安都坐御座。賓客居羣臣位。陳主惡之。舍人蔡景歷希旨。稱安都謀反。陳主慮其不受召。故以爲江州刺史。安都過建康。陳主與宴。又集其將帥。會于朝堂。于坐悉收之下。詔暴其罪惡。明日賜死。

初。高祖與諸將宴。杜僧明。周文育。侯安都。

各稱功伐。高祖曰：卿等悉良將也，而皆有所短。杜公志大而識闇，狎于下而驕于上。周侯交不擇人，而推心過差。侯郎傲誕而無厭，輕佻而肆志，並非全身之道。卒皆如其言。僧明病死江州，文育為熊曇朗所殺。安都至是，被誅。

齊主殺其河南王孝瑜。

字正德，文襄長子。

齊侍中和士開有寵，姦諂百端，賞賜不可勝計。每侍左

右，言辭容止，極諸鄙褻，無復君臣之禮。

士開嘗謂齊主曰：自古帝王盡

為灰土。堯舜桀紂，竟復何異？陛下宜及少壯，極意為樂，縱橫行之。一日取快，可敵千年。國事盡付大臣，何慮不辦？齊主大悅。于是委趙彥深掌官爵，元文遙掌財用，唐邕掌外兵，白建掌騎兵。馮子琮、胡長粲、掌東宮。三四日一視朝，著數字而已。白建，字彥舉，太原陽邑人。馮子琮，信都人。胡長粲，國珍從曾孫。齊主使士

開與胡后握槊。河南王孝瑜諫曰：「皇后，天下之母，豈可

與臣下接手？」趙郡王叡

高祖弟琛之子。

及士開共譖孝瑜奢僭。

山東唯聞有河南王。不聞有陛下。齊主酖殺之。諸侯在

宮中者。莫敢舉聲。唯河間王孝琬

文襄第三子。

大哭而出。

秋九月。周及突厥侵齊。

初。周人欲與突厥連兵伐齊。許納其女爲后。遣楊荐

字承

畧。秦郡寧夷人。

及王慶

字興慶。太原祁人。

往結之。齊人懼。亦遣使求昏。

于突厥。木杆貪齊幣重。欲執荐等送齊。荐知之。責木杆

背恩。

周太祖以蠕蠕降衆付突厥。事具前。

本杆慘然良久。乃許爲周出師。

然後送女。于是周遣楊忠將步騎出北道。與突厥伐齊。

又遣達奚武出南道。期會于晉陽。忠拔齊二十餘城。突

厥以十萬騎會之。三道俱入。時大雪平地數尺。齊主自

鄴倍道赴晉陽。斛律光將步騎三萬屯平陽。周師及突

齊湛昏庸更非洋比一時
整軍拒敵用段韶以倖勝
是猶號公敗戎天奪之鑒
適益其疾爾

厥逼晉陽齊主欲走避之趙郡王叡河間王孝琬叩馬
諫齊主命六軍進止皆收叡節度而使并州刺史段韶
總之

甲陳天嘉五年周保定
申四年齊河清三年春正月齊主及周師戰于晉陽周

師敗績

齊主登北城軍容甚整突厥咎周人曰爾言齊亂故來
伐之今齊人眼中亦有鐵何可當邪周人以步卒爲前
鋒從西山下去城二里許諸將咸欲逆擊之段韶曰步
卒力勢有限今又積雪逆戰非便不如陳以待之彼勞
我逸破之必矣既至齊悉其銳兵鼓譟而出突厥震駭
引上西山不肯戰周師大敗而還突厥引兵出塞比至

長城馬死且盡。達奚武至平陽。聞忠退。亦還。

二月。庚寅朔。日食。

三月。齊頒律令。制田賦。

初。齊顯祖命判定齊律。久而不成。決獄者罕依律文。相承謂之變法從事。及齊主卽位。思革其弊。乃督修者。至是而成。其刑名有五。一曰死。輶卽車裂。梟。斬。絞。二曰流。投

邊裔爲兵。三曰刑。自五歲至一歲。四曰鞭。自百至四十。

五曰杖。自三十至十。凡十五等。其流內官及老小。閹癡。

并過失。應贖者。皆以絹代金。是後爲吏者始守法令。又

令民十八受田。輸租調。二十充兵。六十免力役。六十六

還田。免租調。一夫受露田注見前八十畝。婦人四十畝。奴

婢依良人牛受六十畝。牧牛一頭受田六十畝限四年大率一夫一婦。

調絹一匹綿八兩。墾租二石。義租五斗。奴婢準良人之

半。牛調二尺。墾租一斗。義租五升。墾租送臺。義租納郡。

以備水旱。

周初令百官執笏。禮記玉藻笏二尺有六寸其中博三寸其殺六分而去一。唐會要笏制上圓

下方五品以上並用象九品以上並用竹木。

夏六月白虹貫日。齊主殺其兄之子樂陵王百年。

時白虹圍日再重。又橫貫而不達。赤星見。齊主欲以百

年厭之。百年常作數敕字。敎書者封奏之。齊主怒。使召

百年。百年知不免。割帶玦留與其妃斛律氏而入。齊主

遣左右亂捶之。氣息將盡。乃斬之。棄諸池。池水盡赤。妃

把玦哀號不食。月餘亦卒。玦猶在手。拳不可開。其父光自擘之。乃開。

秋八月丁亥朔日食。

九月周封李昞爲唐公。

胡三省曰李氏有天下國號曰唐本此。

昞虎之子也。以追錄佐命元功封。後昞卒。子淵襲爵。唐

高祖

齊人歸宇文護之母子周。

初周太祖之從賀拔岳在關中也。遣人迎護于晉陽。護母閭氏及周主之姑皆留晉陽。齊人以配中山宮。及護用事。遣間使入齊求之。莫知音息。及是周人謀與突厥再伐齊。齊主懼。許歸護母。且求通好。先遣其姑歸。令人

爲護母作書言護幼時數事。又寄其所著錦袍以爲信。
驗護得書悲不自勝。齊人復使其母與書邀護重報。往
返再三乃遣之。閻氏至周舉朝稱慶。周主爲之大赦。時
韶拒突厥軍于塞下。齊主將還護母。遣使乘傳問韶。韶以周人反。覆本無信義。護名爲相。其實主也。既爲母請和。不遣一介之使。若據移書卽送其母。恐示之以弱。不如且外詰之。待仲親堅定遣之。未晚。齊主不聽。
冬十月周宇文護會突厥侵齊。十二月齊人及護戰于洛陽大敗之。

突厥自幽州還留屯塞北。更集諸部兵。遣使告周欲與共擊齊。如前約。宇文護新得其母。未欲伐齊。又恐負突厥約。更生邊患。不得已徵內外諸軍。凡二十萬人。遣尉遲迴將前鋒趣洛陽。權景宣字暉遠。天水顯親人。趣懸瓠楊擲字顯

進正平

出軹關

景宣克齊二州。擄輕敵深入。為齊兵所敗。遂降。

十一月周人攻

洛陽不克

護命諸將塹斷河陽路。遏齊救兵。諸將以為

齊兵必不敢出。唯張斥堠而已。齊主遣蘭陵王長恭

孝瓘。文襄第四子。

及大將軍斛律光救洛陽。又召并州刺史段

韶督精騎繼進。齊主亦自晉陽赴之。韶至洛陽。與諸將

觀周軍形勢。至太和谷

即太谷。注見前。

與周軍遇。馳告諸營。追

集騎士結陳以待。韶為左軍。長恭為中軍。光為右軍。周

人不意其至。皆恟懼。韶遙謂曰。汝宇文護纔得其母。遽

來為寇。豈欲送死邪。周人以步兵上山逆戰。韶且戰且

却以誘之。待其力弊。然後下馬擊之。周師大敗。死者甚

眾。在城下者亦解圍遁去。委棄資械。彌滿川澤。唯齊公

憲

字毗賀突。太祖第五子。

達奚武王雄

字胡布頭。太原人。

在後拒戰

雄馳馬衝

斛律光陳光退走雄追之。按稍不及光旁丈餘欲生擒之。光唯餘一矢射雄中額雄走至營面卒軍眾益懼齊

公憲拊循督勵眾心小安。至夜收軍憲欲待明更戰武曰洛陽軍散

人情震駭若不因夜速還明日欲歸不得矣乃還護本

無將畧是行又非本心故敗。

周滅宕昌置宕州

治宕昌郡唐為交河戌故城在今鞏昌府岷州。

宕昌王梁彌定屢寇周邊周討滅之以其地置宕州。

乙陳天嘉六年周保定五年。夏四月陳侍中安成王瑱免。酉年齊後主緯天統元年。

瑱以帝弟之重勢傾朝野直兵鮑僧叡恃瑱勢為不法。

御史中丞徐陵為奏彈之從南臺

御史臺為南臺

官屬引奏案

而入陳主為斂容正坐陵進讀奏版時瑱侍殿上流汗

失色。陵遣殿中御史引頊下殿。陳主為之免頊侍中。朝廷肅然。

彗星見。齊主湛傳位于太子緯。是為後主。自稱太上皇帝。以祖珽為秘書監。

珽有文無行。齊主以為中書侍郎。遷散騎常侍。初。珽嘗

功曹。因宴失金巨羅。于珽髻上得之。又坐詐盜官粟。鞭

配甲坊。又嘗坐貶。當校除名。顯祖愛其才。復令直中書

省。齊主為長廣王。珽言殿下有非常骨法。及即位。遂擢

拜之。珽與和士開共為姦諂。私說士開曰。君之寵幸。振

古無比。宮車一日晚駕。欲何以克終。士開因從問計。珽

曰。宜說主上云。文襄文宣孝昭之子。俱不得立。今宜令

皇太子早踐大位。以定君臣之分。若事成。中宮少主。必

皆德君。此萬全計也。請君微說主上。令粗解。珽當自外

上表論之。會彗星見。太史奏云。除舊布新之象。珽于是

上聞許諾。命彗星見。太史奏云。除舊布新之象。珽于是

上書言。陛下雖為天子。未為極貴。宜傳位東宮。且以上

應天道。齊主從之。傳位于緯。以太子妃斛律氏為后。于是羣公上尊號為太上皇帝。軍國大事咸以聞。使侍郎馮子琮左丞胡長粲輔導少主。珽拜秘書監。大被親寵。秋七月辛巳朔日食。

冬十月周殺其中州

周置今河南府新安縣是

刺史賀若敦。

周以函谷關城為通洛防。

猶塞也。

以賀若敦為中州刺史。

鎮之。敦恃才負氣。以湘州之役。全軍而返。謂宜受賞。翻

得除名。對臺使出怨言。宇文護怒。徵還。逼令自殺。

敦臨死謂

其子弼曰。吾志平江南。今而不果。汝必成吾志。吾以舌死。汝不可不思。因引錐刺弼舌出血以誠之。弼字輔

伯。後為隋將。

丙陳天康元年。周天和。戊元年。齊天統二年。

春正月己卯朔日食。

通鑑綱目俱不書朔。今依

北史周武帝紀補書。

夏四月。陳以孔奐為太子詹事。

陳主不豫。尚書孔奐與安成王瑱。僕射到仲舉。字德言。洽之子。

等入侍醫藥。陳主以太子伯宗。字奉業。柔弱。謂瑒曰。吾欲

遵太伯之事。瑒拜泣固辭。陳主又謂仲舉。奐等曰。今三

方鼎峙。四海事重。宜須長君。卿等宜遵此意。孔奐流涕

對曰。皇太子聖德日躋。安成王足為周旦。若有廢立之

心。臣誠不敢奉詔。陳主曰。古之遺直。復見于卿。乃以奐

為太子詹事。

陳主禱。太子伯宗立。是為廢帝。

陳主疾甚。遂殂。謚文皇帝。廟號世祖。葬永寧陵。遺詔太子即位。世祖起自艱難。

知民疾苦。性明察儉約。每夜刺閨。取外事分判者。前後相續。敕傳更籤于殿中者。必投籤于階石之上。令鎗然有聲。曰。吾雖眠。亦令驚覺。刺閨。以錐繭物曰刺閨。宮中小門也。就閨中刺取外事。故曰刺閨。

五月。陳以安成王顓為司徒錄尚書事。徐陵為吏部尚書。

陵以梁末以來。選授多濫。乃為書示眾曰。永定之時。聖

朝草創。白銀難得。黃札薄木板也。用以書詔。易營。權以官階代于

錢絹。致令員外常侍。路上比肩。諮議參軍。市中無數。今

衣冠禮樂。日富年華。何可猶作舊意。非理望也。眾咸服

之。

冬十二月。齊始用士人為縣令。

魏末以來。縣令多用廝役。由是士流恥為之。齊僕射元

文遙以為縣令。治民之本。遂請革選。密擇貴遊子弟。發

親民之官。豈可任之廝役。文遙所見是已。但不能慎選廉能。而又委之貴遊子弟。其異於抱薪救火者幾布。

敕用之。悉召集神武門。令趙郡王叡宣旨慰諭而遣之。
齊之士人爲縣令自此始。

丁陳主伯宗光大元年。周春正月。癸酉朔。日食。
亥天和二年。齊天統三年。

二月。陳安成王頊殺中書舍人劉師知。又殺僕射劉仲舉。

師知與安成王頊到仲舉。同受世祖遺詔輔政。師知見

頊爲朝野所屬。忌之。謀出頊于外。東宮舍人殷不佞。字季

卿。不害之弟。素以名節自任。馳詣相府。矯敕謂頊曰。今四方

無事。王可遷東府。經理州務。揚州刺史治東府。頊時居尚書省。故不佞令遷。中

記室毛喜。馳語頊曰。此必非太后意。須更聞奏。領軍將

軍吳明徹亦贊之。頊乃稱疾。召師知與語。使喜入言于

太后。太后曰。伯宗幼弱。政事並委二郎。此非我意。陳主

亦曰。此自師知等所為。朕不知也。喜以報項。項因囚師知。入見太后。以師知付廷尉。賜死。以仲舉為光祿大夫。不佞少有孝行。項雅重之。免官而已。自是國政盡歸于項。右衛將軍韓子高。會稽山陰人。與仲舉通謀。事未發。仲舉廢心不自安。子高亦自危。求出。或告其謀。項召文武議立皇太子。仲舉子高入。皆執之。下獄賜死。

夏四月。陳湘州刺史華皎。

晉陵暨陽人。

叛。附于周。

皎與韓子高俱為世祖所親任。子高死。皎內不自安。遣使潛引周兵。又自歸于梁。陳安成王瑱遣吳明徹等襲之。皎使至長安。梁主亦上書言狀。宇文護遣襄州總管衛公直。字立羅突。太祖子。等帥師助皎。周司會崔猷曰。前歲東征。死傷過半。比雖循撫。

瘡痍未復。今陳氏保境息民。共敦鄰好。豈可利其土地。納其叛臣。違盟約之信。興無名之師乎。護不從。九

月。梁遣其柱國王操。將兵二萬會之。周衛公直總水陸

軍。與皎俱下。與吳明徹戰于沌口。西軍以艦載薪。因風

縱火。俄而風轉。自焚。西軍大敗。皎直俱奔江陵。是月。陳

洗。以舟師襲周沔州。刺史裴寬拒戰。靈洗擒之。明年。吳

明徹乘勝進攻江陵。以水灌之。梁王操晝夜拒守。擊明

裴寬。字長寬。聞喜人。秋。八月。齊以東平王儼字仁威。齊主之弟。為司徒。

儼有寵于上皇及胡后。為司徒。領御史中丞。魏故事。中

子分路。王公皆遙駐車。去牛。頓軛于地。以待其過。少遲。

則前驅以赤棒棒之。自遷鄴後。此儀廢絕。上皇欲尊寵

儼。一遵舊制。儼性剛決。嘗言于上皇曰。尊兄懦。何能帥左右。上皇每稱其才。有廢立意。胡后亦勸之。既而中止。儼尋

為張
邪三

冬十一月戊戌朔日食

齊流祖珽于光州。魏置隋改萊州今為府屬山東

珽與黃門侍郎劉逖友善。珽欲求宰相。乃疏僕射趙彥深。元文遙及和士開罪狀。令逖奏之。逖不敢通。彥深等聞之。先詣上皇白陳。上皇大怒。執珽詰之。珽因陳士開等朋黨弄權。賣官鬻獄事。上皇曰。爾乃謗我。鞭配甲坊。尋徙光州。桎梏置地牢中。夜以蕪菁子詩經疏陸機曰蕪菁幽州人或謂之芥。為燭。眼為所熏。由是失明。

戊陳光大二年。周天和秋七月。周隨公楊忠卒。

忠子堅。即隋文帝為小宮伯。後周置宮伯之貳宇文護欲引以為腹

心忠曰。兩姑之間難為婦。汝其勿往。堅乃辭之。至是忠

卒。堅襲爵。

楊堅始見此。

冬十一月壬辰朔日食。

陳安成王頊廢其主伯宗為臨海王而殺始興王伯茂。

字鬱

之世祖第二子。

始興王伯茂以安成王頊專政不平肆惡言頊遂以太

后令誣陳主云與劉師知華皎等通謀廢為臨海王以

安成王入纂又下令黜伯茂為溫麻

晉縣隋改曰連江今屬福州府。

侯置諸別館使盜殺之。

齊主湛殂。

先是齊上皇有疾僕射徐之才善醫療之既愈和士開

欲得次遷。乃出之才爲竟州刺史而代之。及是上皇疾復作。驛追之才未至。疾亟。以後事屬和士開。握其手曰。勿負我。遂殂。士開秘喪三日不發。黃門侍郎馮子琮謂曰。升遐之事。行路皆傳。久而不舉。恐有後變。士開乃發喪。諡上皇曰武成皇帝。廟號世祖。葬永平陵。世祖驕奢淫佚。役繁賦重。吏民苦之。

EAST ASIAN LIBRARY
UNIVERSITY OF TORONTO LIBRARY

御批歷代通鑑輯覽

卷之四十五

聖

御批歷代通鑑輯覽卷之四十六

南北朝

已陳高宗宣帝項太建元年春正月陳主項立是為宣帝

陳安成王項既以太后令入纂大統事具前至是遂即帝

位復太皇太后為皇太后皇太后為文皇后立妃柳氏為皇后世子叔寶為太子

二月齊殺其太尉趙郡王叡

初和士開為世祖所親狎出入卧內遂得幸于胡后及

世祖殂齊主深委任之與婁定遠昭之子等俱用事時號

八貴和士開婁定遠趙彥深元文遙唐邕綦連猛高阿

兒代人高阿那肱善無人胡長粲國珍曾孫太尉趙郡王叡與定遠等皆言

于齊主請出土開太后不可叡復令元文遙入奏齊主

八貴橫行干政士開尤爲
罪魁高敞定計出之是也
乃以定遠貪餌墮術事壞
垂成卒致定遠亦斥外敞
且因之以死致齊政口壞
直底滅亡是定遠之罪猶
浮於士開耳

及太后召問士開對曰陛下諒聞伊始大臣皆有覬覦
今若出臣正是自翦羽翼宜謂敞等云文遙與臣俱受
先帝任用可並用爲州待過山陵然後遣之齊主及太
后乃以士開爲兗州刺史葬畢太后欲留士開過百日

俟卒

哭也敞不許遂更見太后苦言之

先是太后觴朝貴于前殿敞面數士開受

納賄賂穢亂宮掖之罪太后曰且飲酒勿多言敞辭色愈厲投冠于地拂衣而起及是與太后言太后令酌酒賜敞敞正色曰論國家太

事非爲卮酒言訖遽出

士開載美女珠簾詣婁定遠

定遠喜士開因謂曰今當遠出願得一辭覲二宮定遠

許之士開由是得見太后及齊主進說曰先帝一旦登

遐臣媿不能自死觀朝貴意勢欲以陛下爲乾明

廢帝殷年

號臣出之後必有大變臣何面目見先帝于地下因慟

哭齊主太后皆泣。問計。士開口。臣已得入。復何所慮。正
須數行詔書耳。于是詔出。定遠為青州刺史。責趙雲王
獻以不臣之罪。旦日獻將復入諫。妻子咸止之。獻曰。社
稷事重。吾寧死事先皇。不忍見朝廷顛沛。至殿門。又有
人謂曰。入恐有變。獻曰。吾上不負天。死亦無恨。入見太
后。論執彌固。出至永巷。遇兵。執送華林園。拉殺之。獻清
正自守。朝野冤惜之。復以士開為僕射。定遠歸士開所
遺。加以餘珍賂之。

夏四月。齊以高阿那肱為尚書令。韓長鸞名鳳。昌黎人。為領軍。

陸令萱穆提婆之母。為女侍中。穆提婆漢陽人。為開府儀同三司。

祖珽為秘書監。

齊主年少多嬖寵武衛將軍高阿那肱都督韓長鸞素

被親狎

阿那肱以謂佞為世祖所厚多令在東宮侍齊主由是有寵長鸞亦嘗侍衛東宮齊主數喚共

戲最親愛之

阿那肱累遷并省尚書令晉陽為并州故云并省

長鸞累遷侍中領軍總知內省機密宮婢陸令萱以保

養恩為女侍中引其子提婆入侍齊主朝夕戲狎累遷

開府儀同三司

令萱前坐其夫賂超謀叛配掖庭子提婆亦沒為奴齊主之在強保令萱養之

謂之乾阿嬌

令萱巧黠善取媚有寵于胡太后和士開

高阿那肱皆為之養子斛律后之從婢穆舍利有寵于齊主令萱乃為之養母

因令提婆冒姓穆氏然和士開用事最久諸幸臣皆

依附之齊主思祖與士開亦以珽有膽略欲引為謀主

乃棄舊怨與令萱言于齊主曰三帝之子皆不得立今

至而獨在帝位者祖孝徵之力也其人心行雖薄奇略

出人緩急可使且目已盲必無反心齊主乃召以為秘書監

秋八月陳廣州刺史歐陽紇反

歐陽紇在廣州十餘年

永定元年紇與父頤定廣州天嘉四年頤卒紇代為刺史至是

凡十威惠著于百越自華皎叛陳主疑之徵為左衛將軍

紇懼遂舉兵攻衡州陳主遣徐儉

陵之子

持節諭旨儉

語紇曰呂嘉之事誠當已遠將軍獨不見周迪陳寶應

乎紇默然不應儉還陳主乃遣車騎將軍章昭達

字伯通吳

興武人討之

冬十二月周陳復通好

庚陳太建二年齊武平寅元年周天和五年

春二月陳人討歐陽紇斬之封陽

洗氏能知大義。洵為不羈。
中綱。其子以太守潛出。
叛人即因母功。賞罪免矣。
乃竟錫之通侯。是何賞罰
哉。

春太守馮僕母洗氏為石龍

注見前。

太夫人。

歐陽紇召陽春太守馮僕至南海。誘與同反。僕遣使告

其母洗夫人。夫人曰。我忠貞兩世。今不仁惜汝而負國

也。遂發兵拒境。帥諸酋長迎章昭達。昭達至始興。紇懼

出頓洹口。

水經注。洹水逕含洹縣西。右會漆水。謂之洹水。即始興大江。含洹故

縣在今韶州府英德縣。

昭達破其水柵。擒紇送建康。斬之。馮僕以

其母功。封信都侯。遷石龍太守。遣使者持節冊命洗氏

為石龍太夫人。賜以繡幃安車。鼓吹。麾節。函簿。如刺史

之儀。

陳遣兵攻梁。周人救之。陳師還。

章昭達攻梁。梁主與周總管陸騰

字顯聖。代人。

拒之。周人于

陝口南岸築城。橫引大索。編葦爲橋。以度軍糧。昭達爲長戟。施于樓船上。仰割之。索斷糧絕。遂攻其城。下之。梁主告急于周。周使將軍李遷哲字孝彥。安康人。將兵救之。昭達兵不利。引還。

冬十月辛巳朔日食。

齊以蕭莊爲梁王。

齊復以梁永嘉王莊爲梁王。許以興復。竟不果。及齊亡。

莊憤悵。卒于鄴。

辛陳太建三年。齊武平二年。周天和六年。春正月。齊斛律光及周韋孝寬戰。

于汾北。汾水之北。周師敗績。

先是周勳州刺史韋孝寬請築城于汾北。時周齊爭宜。陽久而不決。

孝寬謂其下曰。宜陽一城之地。不足損益兩國爭之。勞師彌年。彼若棄之。來圖汾北。我必失地。宜速于華谷。長秋築城。以杜其意。乃畫地形。且圖其狀。華谷在山西絳州樓山縣西北。今為鎮。長秋即漢長修故縣。音訛為秋。今曰泉掌鎮。宇文護不從。已而齊斛律光出晉州道。在絳州西北。

于汾北築華谷龍門二城。

今華谷鎮南有故城。光所築也。龍門城在稷山縣北俗呼

曰古

遂進圍定陽。

魏郡。隋改文成。金為吉州。今州隸山西。

築南汾城。在今

南。以逼之。至是光與孝寬戰于汾北。孝寬敗。光築十三

城于西境。馬上以鞭指畫而成。拓地五百里。

已而周人取齊宜陽

等九城。光帥步騎赴之。與周師戰于宜陽城下。取建安等四成而還。

夏四月。戊寅朔。日食。

六月。齊段韶圍周定陽。克之。獲汾州刺史楊敷。

字文衍。惛族子。

齊段韶圍定陽。周汾州刺史楊敷固守不下。韶急攻之。

楊素在周既陰結隋文而
移周祚在隋又勸立煬帝
以速隋亡事思得患失之
鄙夫顧得云無心富貴邪

曰此城三面重澗皆無走路唯慮東南一道耳乃令壯

士千餘人伏于東南澗口城中糧盡敷走伏兵擒之

遂取汾州敷至邪不周未幾亡其子素以父守節小蒙

言曰臣事無道天子死其分也周上壯其言雖敗大將

軍諡曰忠壯素少多才藝及是漸見禮遇命為詔書下

筆立成詞義兼美周主曰勉之勿憂不富貴素曰但恐

秋七月齊琅邪王儼殺和士開九月齊主殺儼

和士開威權日甚和士無恥者或為之假子士開患傷

一士人往參請先嘗之。一飲而盡與穆提婆俱專權奢

黃龍湯年久糞汁也。治大熱病。

縱琅邪王儼意甚不平二人忌之出儼居北宮時儼猶

帶中丞士開等又欲出之于外治書侍御史王子宜說

儼曰殿下被疏正由士開問搆何可出北宮也儼謂侍

中馮子琮曰。士開罪重。殺之何如。子琮心欲廢齊主而立儼。因勸成之。儼令子宜彈士開罪。請禁推。收禁而推鞫之也。

子琮雜他文書奏之。齊主可之。儼誑領軍庫狄伏連。使

收士開送臺。儼斬之。儼黨因逼儼帥軍士三千人屯千

秋門。齊主使劉桃枝召儼。儼欲誘陸令萱而殺之。因對

曰。尊兄若赦臣。請令姊姊來迎。姊姊謂令萱也。齊諸王皆呼嫡

母爲家家。乳母爲姊姊。婦爲姊妹。令萱聞之。戰栗。齊主乃急召斛律光。

光聞儼殺士開。撫掌大笑曰。龍子所爲。固自不似凡人。

人見齊主。齊主帥宿衛者受甲。將出戰。光曰。小兒輩弄

兵。與交手卽亂。鄙諺云。奴兒大家。臣妾呼天。子曰大家。心死至尊。

宜自至千秋門。琅邪必不敢動。齊主從之。光步道使人

走出曰。大家來。儼徒駭散。光就儼執其手。彊引以前。請

于齊主曰。琅邪王年少。腸肥腦滿。輕爲舉措。稍長自不

然。願寬其罪。齊主拔刀鑲築其額頭。良久乃釋之。收市

連。王子宜等支解之。太后責儼。儼曰。馮子琮教兒。太后遂殺子琮。已而陸令萱說齊主

曰。人稱琅邪聰明雄勇。當今無敵。觀其相表。殆非人臣。

自專殺以來。常懷恐懼。宜早爲之計。齊主未決。以問侍

中祖珽。珽稱周公誅管叔。季友酖慶父。齊主乃攜儼之

晉陽。使劉桃枝拉殺之。時儼年十四。遺腹四男。皆幽死。既而贈儼楚恭哀帝。以慰太后

心。

冬十月。齊主幽其太后胡氏于北宮。

齊胡太后出入不節。與沙門統曇獻通。齊主聞而未之

珽少無行檢既召還而怙終尤甚援元魏弊政以售其諛附之說忘廉鮮恥自以固寵梯榮爲得計不踰時而下牀之譖陷卽隨之謫死北徐身名遺臭小人之炯鑒若此何後世猶有黨客媼以求媚者哉

信。後朝太后見二尼悅而召之。乃男子也。于是曇獻事亦發。皆伏誅。遂幽太后于北宮。太后或爲齊主設食。齊主亦不敢嘗。

壬辰三年周建德元年。齊武平春。二月。齊祖珽爲左僕射。

胡太后旣幽北宮。珽引魏保太后故事。魏太武帝始光初尊保母竇氏

爲保太后。欲立陸令萱爲太后。且謂人曰。陸雖婦人。然實雄傑。女媧以來。未之有也。令萱亦謂珽爲國師。由此得左

僕射。

三月癸卯朔日食。

周主討其太師宇文護殺之。

初周太祖爲丞相立左右十二軍。總屬相府。太祖殂。皆

受晉公護處分。護第兵衛盛于宮闕。諸子僚屬皆貪殘恣橫。士民患之。周主深自晦匿。無所關預。人不測其淺

深。衛公直有怨于護。勸周主誅之。周主乃密與直及右

宮伯

後周有左右宮伯

中大夫宇文神舉

太祖族子

內史

周官。後周倣制。

下

大夫王軌

太原祁人

右侍

後周倣周官侍御置

上士宇文孝伯

字胡三深之子

謀之。周主每于禁中見護。常行家人禮。至是。引護入謁

太后。謂曰。太后好飲。屢諫不納。因出懷中酒誥授之。曰。

願兄以此入諫。護入讀未畢。周主以玉珽

禮記。天子搢珽。鄭康成曰。

珽亦笏也。自後擊之。護踣于地。直出斬之。石宮伯長孫覽

字休因。紹遠

等收護子弟親黨殺之。

初。字文孝伯與周主同日生。太祖愛而養之。幼

與周主同學。及即位。欲引致左右。託言欲與講習。故護弗之疑。孝伯為人。沉正忠諫。朝政得失。外間細事。無不

以聞至是。以為車騎大將軍。護之未敗也。問稍伯大夫。庾季才曰。比日天道何如。對曰。頃上至有變。公宜歸政。請老。護遂疎之。及護誅。周主閱其書記。得季才書兩紙。盛言緯候災祥。宜返政歸權。周主命賜粟帛。遷太中大夫。稍伯後周官。蓋周官稍人之職。庾季才。字叔爽。新野人。仕梁。江陵陷。入長安。

周主親政。以其弟齊公憲為大冢宰。衛公直為大司徒。

周主始親政。頗事威刑。雖骨肉無所寬借。齊公憲雖遷

冢宰。實奪之權。

又謂憲侍讀裴文舉曰。昔魏末不綱。太祖

習生常。愚者謂法應如是。卿雖陪侍齊公。不得遽同為

臣。欲死于所事。宜輔以正道。勸以義方。輯睦我君臣。協

和我兄弟。勿令自致嫌疑。文舉咸以白憲。憲指心撫几

曰。吾之夙心。公寧不知。但當盡忠竭節耳。知復何言。

裴文舉。字道裕。開喜人。

衛公直。性浮詭貪狠。意望大冢宰。既不得。

殊怏怏。更請為大司馬。欲據兵權。周主揣知其意。曰。汝

兄弟長幼有序。豈可返居下列。由是用為大司徒。

夏六月齊主殺其左丞相咸陽王斛律光以祖珽知騎兵外兵事。

祖珽勢傾朝野斛律光惡之謂諸將曰邊境消息兵馬處分盲人全不與吾輩語恐誤國事珽覺之私賂光從奴問之奴曰自公用事相王每夜抱膝歎曰盲人入國必破矣穆提婆求娶光庶女不許齊主賜提婆晉陽田光言于朝曰此田神武以來常種禾飼馬以擬寇敵今賜提婆無乃闕軍務乎由是祖穆皆怨之斛律后無寵珽因而間之光弟羨爲幽州刺史亦善治兵突厥畏之謂之南可汗光雖貴極人臣性節儉不好聲色杜絕饋餉不貪權勢行兵效其父金之法嘗爲士卒先士卒有罪唯大杖撻背未嘗妄殺衆皆爭爲之死結髮從軍未嘗敗北深爲隣敵所憚周韋孝

斛律光在齊不帝如南朝
之倚道濟然使隣國得以
行反問者亦因蕭齊同器
讒說交傾且紫陌駐營猜
嫌久蓄物必先腐而後蟲
生信哉

寬密爲謠言曰百升飛上天。明月照長安。又曰高山不
推自崩。斛木不扶自舉。令謀傳之于鄴。珽因續之曰。盲
老公背受大斧。饒舌老母不得語。使其妻兄鄭道蓋奏
之。珽與陸令萱因解之曰。百升者斛也。盲老公謂珽饒
舌老母似謂陸氏也。且斛律累世大將。明月光之聲震
關西。豐樂羨之威行突厥。女爲皇后。男尚公主。謠言甚
可畏也。齊主以問韓長鸞。長鸞以爲不可。事遂寢。會丞相府佐封士讓密啓
云。光前西討。還逼帝城。將行不軌。先是光自宜陽還。未至鄴。齊主敕使散兵
光以軍士未得慰勞。表請遣使宣旨。遂至紫陌駐營。齊主惡之。故士讓以此爲言。家藏弩甲。僮
奴千數。若不早圖。恐事不可測。齊主召珽告之。珽請遣
使賜以駿馬。光必入謝。因而執之。齊主如其言。光入至

涼風堂。劉桃枝自後撲之不仆。顧曰。桃枝常爲如此事。我不負國家。桃枝與三力士拉殺之。血流于地。剡之迹。

終不滅。于是下詔稱其欲反。并殺其二子。

琕使二千石郎邢祖信簿

錄光家得弓十五。宴射箭百。刀七。賜稍二。琕問更得何物。祖信曰。得棗杖二十束。擬奴與人鬪者。不問曲直。卽杖之。百。琕大慙。及出人。尤其所直。祖信慨然曰。賢宰相尙死。我何惜餘生。遣中領軍賀拔

伏恩乘驛捕琕。至幽州。門者自使人衷甲。馬有汗。宜閉

城門。琕曰。敕使豈可拒也。出見之。伏恩執而殺之。及其

五子。琕自是專主機衡。總知騎兵外兵事。齊主常令中

要人扶侍出入。每同御榻。論決政事。

周主聞光死。爲赦其境內。八月。齊廢

斛律后爲庶人。

秋。九月。庚子朔。日食。

冬十月齊立昭儀穆氏即穆舍利爲右后。

先是齊斛律后廢齊主立昭儀胡氏爲后。后胡太后兄

愧失德求悅于齊主先飾后置宮中令齊主見之齊主

果悅納爲昭儀及斛律后廢陸令萱欲立穆夫人太后

卑辭厚禮以求令萱結爲姊妹令萱

不得已乃與祖珽白齊主后遂得立未幾胡后寵衰令

使人行厭蠱之術胡后遂精神恍惚言笑無恒齊主惡

之令萱一旦忽以后服被穆昭儀坐之帳中謂齊主曰

如此人不作皇

后遣何物人作齊主乃立穆氏爲右皇后以胡氏爲左

皇后已而令萱譖胡氏于太后太后大怒呼胡

氏立剃其髮送還家尋以穆氏爲皇后

突厥木杆可汗死弟佗鉢可汗立又分立東西二可汗。

木杆捨其子大邏便而立其弟是爲佗鉢可汗分立爾

伏可汗統東面步離可汗統西面周人與之和親歲給

繒絮錦綵十萬齊亦厚賂之佗鉢益驕謂其下曰但使

繒絮錦綵十萬齊亦厚賂之佗鉢益驕謂其下曰但使

我在南。兩兒常孝。何憂于貧。

阿史那后無龍十番主。神武公寶毅。尚襄陽公主。生

女尚幼。密言于周主曰。今齊陳鼎峙。突厥方彊。願舅抑情慰撫。以生民爲念。周主深納之。寶毅字天武。娥兄

子。女即唐高祖之后。

己亥陳太建五年。齊武平四年。周建德二年。

春正月。齊以高阿那肱錄尚書事。

阿那肱與穆提婆韓長鸞共處衡軸。號曰三貴。蠹國害

民。日月滋甚。長鸞尤疾士人。朝夕惟事譖訴。常帶刀走

馬。喚曰張拳。有噉人之勢。朝士咨事。莫敢仰視。

齊置文林館。

齊主頗好文學。祖斑奏置文林館。以侍郎李德林

字公輔。博

陵安平人。顏之推

字介。琅邪臨沂人。

同判館事。共撰修文殿御覽。

夏四月。陳將軍吳明徹將兵擊齊。取江北數郡。

陳主謀伐齊。公卿各有異同。唯鎮前將軍吳明徹決策

請行。陳主謂公卿曰。朕意已決。可舉元帥。衆議以中權

將軍

梁置四中將軍班四征上

淳于量

字思明濟北人

位重。共署推之。僕射

徐陵獨曰。吳明徹家在淮左。悉彼風俗。將畧人才。當今

亦無過者。尚書裴忌曰。臣同徐僕射。陵應聲曰。裴忌亦

良副也。遂以明徹都督征討。忌監軍事。統衆伐齊。明徹

出秦郡。

注兄前

都督黃灋

字仲昭巴山新

出歷陽。齊遣

軍救歷陽。灋擊破之。又遣開府儀同三司尉破胡救

秦州。

趙彥深私問計于秘書監源文宗。文宗曰。朝廷精

破胡人。

品王之所知。敗績之事。匪朝伊夕。莫若專委王

琳。

招募淮南三四萬人。風俗相通。能得死力。兼命舊將

將之。

屯于淮北。足以固守。日琳之于項。必不肯北面。事

之明矣。

若不推赤心于琳。更遣餘人掣肘。復成速禍。彌

不可為。彥深歎曰。此策誠足制勝爭之十日。已不見從。時事至此。安可盡言。因相顧流涕。源文宗名彪。以字

行子恭之子。趙彥深封齊師選長大有膂力者為前隊。

號蒼頭犀角大力。其鋒甚銳。又有西域胡善射。弦無虛

發。陳軍尤憚之。將戰。吳明徹謂巴山太守蕭摩訶曰。若

殲此胡。則彼軍奪氣矣。摩訶曰。當為公取之。明徹乃召

降人有識胡者。使指示之。自酌酒以飲摩訶。摩訶飲畢。

馳馬衝齊軍。胡挺身出陳。彀弓未發。摩訶擲銑蘇典反。銑。池典反。銳小鑿也銑。

斬之。于是齊軍大敗。破胡之出師也。王琳謂曰。吳兵甚

銳。宜以長策制之。慎勿輕鬪。破胡不從而敗。齊乃使琳

赴壽陽。召募以拒陳。于是瓦梁。北齊郡。今日瓦梁壘。在江寧府六合縣西。廬

江歷陽合肥

注俱見前

皆降于陳。灋氈禁侵掠，撫戍卒，與之

盟而縱之。高唐

梁郡，隋改縣曰宿松，今屬安慶府。

齊昌

注見前。

瓜步胡墅

俱在今六合縣。

等城亦降于陳。

已而陳又克齊，潁口及巴、青州。

漢陽府黃陂縣，古潁水入江之口。巴州，北齊以

陽郡置，故城在今黃州府黃岡縣，餘注俱見前。

五月，齊以祖珽為北徐州

魏置，齊移治琅邪，今山東沂州府是。

刺史。

珽既執政，頗欲黜諸閹豎及羣小輩。陸令萱、穆提婆議

頗同異。珽乃諷中丞麗伯律

麗，姓，伯律名。

令劾主書

魏置，中書屬。

王子冲，納賂事連提婆，欲因此并坐。及令萱、令萱聞而

懷怒，釋子冲不問。珽由是日益疎，諸宦者更共譖之。齊

主以問令萱，令萱下牀拜曰：「老婢應死，孝徵大是奸臣。」

人實難知。齊主令韓長鸞檢案，得其詐出，受賜偽出恩救

以爲等十餘事。齊主以嘗與重誓，故不殺。出刺北徐州。
珽至州，會有陳師。州人多叛應之。穆提婆欲令城陷，不遣援兵。珽且戰且守，叛者散退，尋死于州。

齊主殺其蘭陵王長恭。

齊蘭陵王長恭，貌美而勇，以邳山之捷。

齊敗周師于洛陽，長恭爲中軍。

事具前。威名大盛，武士歌之，爲蘭陵王入陳曲。

杜佑曰：作此舞以效

其指麾擊刺之容。

齊主忌之，其所親尉相願。

代人，標之子。

謂曰：朝廷

忌王，宜屬疾在家，勿預時事。長恭然之，而未能退及江

淮，用兵恐復爲將，有疾不療。齊主酖殺之。

秋八月，周太子贇。

即宣帝。

納妃楊氏。

劉友益曰：此著隋篡之始。

妃隨公堅之女也。

太子好昵近小人。左宮正宇文孝伯言于周主曰：皇太子春秋尚少，志業

未成，請妙選正人爲其師友，調護聖質，如或不然，悔無及矣。周主斂容曰：正人豈復過卿？乃以尉遲運爲右宮

正。周主嘗問萬年丞樂運曰。太子何如人。對曰。中人。周主顧謂齊公憲曰。百官佞我。唯運所言。乃忠直耳。因問運中人之狀。對曰。如齊桓公是也。管仲相之。則霸。豎貂輔之。則亂。可與為善。可與為惡。周主曰。我知之矣。乃妙選官。官以輔之。太子不悅。尉遲運。迴弟綱之子。樂運。字承業。南陽清陽人。

陳師攻齊壽陽。克之。殺其刺史王琳。遂取齊昌。徐州。

北魏東徐

州也。治下邳。亦曰南徐州。下邳。注見前。等城。

吳明徹攻壽陽。堰肥水以灌城。城中多病腫泄。死者什

六七。齊皮景和

琅邪下邳人。

等救壽陽。眾數十萬。去壽陽三

十里。頓軍不進。陳諸將以堅城未拔。大援在近。皆懼。明

徹曰。兵貴神速。而彼結營不進。自挫其鋒。其不敢戰。明

矣。乃疾攻。一鼓拔之。擒王琳等。送建康。琳素得將士心。

齊人亦重其忠義。及被擒。麾下在明徹軍。見者皆歔歔。

不能仰視爭為請命及致給資明徹恐其為變遣使追

斬之哭者聲如雷

有一髮以酒脯來祭哭盡哀收其血而去聞者莫不流涕

齊主聞

壽陽陷頗以為憂穆提婆等曰假使國家盡失黃河以

南猶可作一龜茲國更可憐人生如寄唯當行樂何用

愁為左右嬖臣因共贊和之齊主即大喜酣飲鼓舞以

皮景和全軍而還賞之陳以明徹為車騎大將軍豫州

刺史陳主置酒舉杯屬徐陵曰賞卿知人陵避席曰定

策聖衷非臣力也遂克齊昌

前已請降今復取之

淮陰朐山

注俱見前

濟陰

東魏僑郡故城在今泗州盱眙縣

濟南徐州

胡三省注濟當作齊書齊南徐以別于京

口之南徐等城

陳懸王琳首于建康市故吏朱瑒致書徐陵

請許其葬陳主許之

瑒瘞琳于八公山側義故會葬者數千人尋有壽陽人茅智勝等密

送其柩于鄴。齊贈開府儀同三司諡曰忠武。給輜

輶車以葬之。

義故胡三省注。故舊以義結者。

甲陳太建六年。齊武平

五年。周建德三年。春正月。周詔齊公憲等皆進爵爲

王。

二月壬午朔日食。

三月周太后叱奴氏殂。

周叱奴太后殂。周主居倚廬。朝夕進一溢米。羣臣表請

累旬乃止。及葬。周主跣行至陵所。詔曰。三年之喪。達于

天子。但軍國務重。須自聽朝。衰麻之節。苦廬之禮。率遵

前典。以申罔極。百僚宜依遺令。既葬而除。公卿固請依

權制。周主不許。卒中三年之制。五服之內。亦令依禮。先

衛王直。譜齊王憲。言其喪次飲酒食肉。無異平日。周主

曰。吾與齊王異生。俱非正嫡。特以吾故。同祖括髮。汝親

太后之子。時承慈愛。但當自勉。何論他人。及既葬。周主如雲陽。直以怨憤。遂與其黨作亂。尉遲運擊敗之。伏誅。夏五月。周廢佛道教。毀淫祠。

初。周主定三教先後。以儒為先。道為次。釋為後。至是。遂禁佛道二教。經像悉毀。沙門道士並還俗。諸淫祠非祀典所載者。悉除之。尋立通道觀。以壹聖賢之教。

冬十二月。陳以孔奐為吏部尚書。

時新復淮泗。攻戰降附。功賞紛紜。奐識見精敏。不受請託。事無凝滯。人皆悅服。

齊殺其南陽王綽。字世通。世祖之子。

綽刺定州。喜為殘虐。嘗見婦人抱兒。取以飼狗。復以兒血塗婦人。縱狗食之。齊主

鎖詣行在。至而宥之。齊主問綽。在州何事最樂。對曰。聚蠟于器。置狙其中。觀之極樂。齊主

綽所以殘虐。遠繫宥之。已為失刑。及聞其聚蠟置狙。

為樂尤而效之裸人恣整以供娛樂天性慘毒非復人制矣高歡積世濟惡遺孽固應日下其父殺人報仇其子必且行劫洵不爽也

卽命索蠟置浴斛使人裸卧斛中號叫宛轉齊主與綽臨觀喜噱不已因讓之曰如此樂事何不早馳驛奏聞由是拜大將軍韓長鸞疾之使人誣告其反殺之

乙陳太建七年齊武平未六年周建德四年春二月丙戌朔日食

三月周使開府儀同三司伊婁謙伊婁魏十姓之一如齊謙字彥恭鮮卑人齊人留之

齊主承世祖奢泰之餘後宮皆寶衣玉食競為新巧先

胡后造珠裙袴所費不可勝計為火所焚尋復為穆后營之既而穆后寵衰其侍婢馮小憐大幸拜為淑妃坐則同席出則並馬若同生死盛修宮苑窮極壯麗所好不常數毀又

復每有災異寇盜不自貶損唯多設齋以為修德好自

芭為無愁之曲民間謂之無愁天子華林園陸令萱立貧兒村自衣藍縷之服行乞其間以為樂

穆提婆高阿那肱韓長鸞等宰制朝政宦官鄧長顓陳

德信等並參預機權官由財進獄以賄成

舊蒼頭劉桃枝等皆開府

封王其餘歌舞人見鬼人等濫得富貴者殆將萬數庶姓封王者以百數開府千餘人儀同無數乃至狗馬及鷹亦有儀同郡君之號皆食其祿見鬼人巫覡輩也一戲之賞動踰巨萬既而

府藏空竭乃賜郡縣使賣官取直由是為守令者率皆

商賈競為貪縱民不聊生周主謀伐之韋孝寬上疏陳

三策

其一曰齊自長淮之南悉為陳氏所取內離外叛計盡力窮大軍若出軹關方軌而進兼與陳氏共

為犄角并令廣州義旅出自三鵠又募山南驍銳沿河而下復遣北山稽胡絕其并晉之路百道俱進並趨虜庭必當望旗奔潰所向摧殄其二曰若國家更為後圖未即大舉宜與陳人分其兵勢三鵠以北萬春以南廣事屯田預為貯積募其驍悍立為部伍彼既東南有敵戎馬相持我出奇兵破其疆場彼若興師赴援我則堅壁清野待其去遠還復出師常以邊外之軍引其腹心之衆我無宿春之費彼有奔命之勞一二年中必自離叛且齊氏淫暴政出多門鬻獄賣官忌害忠直闔境嗷然覆亡可待乘間電掃事等摧枯其三曰若欲更存遵

養且復相時則宜還崇鄰好申其盟約安民和衆通商惠工蓄銳養威觀釁而動斯乃長策遠馭坐自兼并也

三鴟即魯陽關在今河南南陽府南召縣東北與汝州魯山縣界萬春周齊分界處唐于此置縣故城在今

山西絳州河津縣書奏周主引開府儀同三司伊婁謙入內殿

從容謂曰朕欲用兵何者爲先對曰齊氏沉溺倡優耽昏麴蘖其折衝之將斛律明月已斃于讒口上下離心道路以目此易取也乃使謙聘于齊以觀釁其叅軍高遵以情告齊人齊人留謙等不遣

夏四月陳焚文錦于雲龍門

陳監豫州陳桃根得青牛以獻陳主還之又表上織成羅文錦被詔于雲龍門外焚之

秋七月周主伐齊克河陰

本漢平陰縣三國魏更名隋省故城在今河南府孟津縣攻

錦繡纂組之害女紅漢景
詔最得抑末崇本之要必
舉而焚諸門外則近於矯
飾好名天下之錦豈可盡
焚哉上不以誠感而望下
以誠應其可得乎

金墉不克而還

周主下詔伐齊帥衆六萬直指河陰八月入齊境禁伐

樹踐稼犯者皆斬攻河陽大城拔之齊王憲進圍洛口

舊洛水入河之口在河南府鞏縣南有城拔二城焚浮橋齊都督傅伏太安人

自永橋城名在懷慶府武陟縣西夜入中渾城在懷慶府孟縣胡三省曰河陽有三城南

城北城中渾城是也周人圍之不下洛州刺史獨孤永業字世基中山人

守金墉周主攻之不克永業通夜辦馬槽二千周人九聞之以爲大軍且至憚之

月周主有疾夜引兵還傅伏謂行臺乞伏貴和曰周師

疲弊願得精騎二千追擊之可破也貴和不許齊王憲

等降拔三十餘城皆棄不守

冬十二月辛亥朔日食

丙陳太建八年齊隆化
申元年周建德五年春二月周遣其太子贊伐吐谷渾

周主命太子巡撫西土因伐吐谷渾大將軍王軌宮正

宇文孝伯從行至伏俟城

注見前

而還太子在軍多失德

宮尹鄭譯

字正儀儼兄子

王端等皆有寵軍還軌等言之周主

怒杖太子除譯等名已而太子復召譯戲狎如初

夏六月戊申朔日食

陳太子詹事江總免

初陳太子叔寶欲以江總爲詹事孔奐曰江有潘陸之華而無園綺之實不可太子深以爲恨自言于陳主將許之奐奏曰江總文華之士太子文華不少豈藉于總願選敦重之才以居輔導之職陳主曰然則誰可者奐

父名泰即不宜為太子詹事與韓愈諱辯所譏無异叔寶支辭悖理陳宣聽之何耶

曰王廓世有懿德識性敦敏可以居之太子時在側曰

廓父名泰

字仲通僧虔之孫

不宜為太子詹事與曰范曄即范

泰之子亦為太子詹事太子固爭陳主從之總遂與太

子為長夜之飲養良娣陳氏為女太子亟微行遊總家

陳主怒免總官

冬周主復伐齊齊主大敗走晉陽遂奔鄴晉陽人立安德

王延宗

文襄第五子

以守周主拔而執之

周主謂羣臣曰前入齊境見其行師殆同兒戲况其朝廷昏亂政由羣小百姓嗷然朝不謀夕天與不取恐貽後悔晉州高歡所起之地鎮攝要重今往攻之彼必來援吾嚴軍以待擊之必克然後乘破竹之勢鼓行而東

足以窮其巢穴混同文軌矣。于是自將伐齊。至晉州。遣

內史王誼

字宜君洛陽人

監諸軍攻平陽城。降之。齊兵大潰。遂

克晉州。齊主方與馮淑妃獵于天池。

在今忻州靜樂縣西南唐于此置縣

宋

省。告急者三至。丞相高阿那肱曰。大家正為樂。邊鄙小

事。何急奏聞。至暮。使至。則平陽已陷矣。齊主將還。妃請

更殺一圍。從之。十一月。白帥大軍至平陽。聲勢甚盛。周

主欲避其鋒。以梁士彥

字相如安定烏氏人

為晉州刺史而還。齊

師遂圍平陽。晝夜攻之。不克。

齊人作地道攻平陽城陷十餘步將士乘勢欲入齊

主敕且止召馮淑妃觀之淑妃耕點

不時至周人以木拒塞之城遂不下

周主還長安。明日

下詔復伐齊。十二月。至平陽。置陳二十餘里。齊兵陳于

城南塹北。自旦至申。相持不決。齊高阿那肱曰。吾兵雖

多堪戰者少。不如勿戰。却守高粱橋。在平陽府東北高粱城下。齊主

意未決。諸內參曰。彼亦天子。我亦天子。彼尚能遠來。我

何爲守塹示弱。齊主曰。此言是也。于是填塹南引。周主

大喜。勒諸軍擊之。兵纔合。齊主與馮淑妃並騎觀戰。東

偏少却。淑妃怖曰。軍敗矣。穆提婆曰。大家去。大家去。齊

主遂以淑妃北走。齊師大潰。安德王延宗獨全軍而還。

齊主至洪洞。淑妃方以粉鏡自玩。後聲亂。唱賊至。于是復走。先是齊主以淑妃爲有功。將立爲左皇后。遣內參

詣晉陽取禕翟等。至是遇于中途。齊主爲按轡。命淑妃著之。然後去。洪洞北齊鎮。隋爲縣。今屬平陽府。周

主入平陽。遂帥諸將追齊師。齊主欲自晉陽向北朔州。

注見前。以安德王延宗爲并州刺史。謂曰。并州兄自取之。

兒今去矣。延宗曰。陛下爲社稷勿動。臣爲陛下出死力。

戰必能破之。穆提婆曰：至尊計已成，王不得輒沮。齊主

乃夜斬五龍門而出，欲奔突厥。從官多散，乃回向鄴。穆

婆西奔周軍。陸令萱自殺。周主以提婆爲柱國，詔諭齊臣曰：若達天命，官爵有加。自是降者相繼。并州

將帥請于延宗曰：王不爲天子，諸人實不能爲王出死

力。延宗不得已，遂卽位。衆聞之，不召而至者前後相屬。

延宗發府藏及後宮，以賜將士。見士卒皆親執手稱名，

流涕嗚咽，衆爭爲死。童兒女子亦乘屋懷袂，投瓦石以

禦。周主至晉陽，延宗身自拒戰，勁捷若飛，所向無前。周

主攻其東門，延宗擊之，死者二千餘人。周主左右畧盡。

齊人奮擊，幾中之，僅得免。時已四更，齊人旣捷，飲酒醉

卧。延宗不復能整。周主乃駐馬鳴角收兵，俄頃復振，明

旦還攻東門，克之。延宗力屈被擒。周主下馬執其手曰：

兩國非有怨惡直為百姓來耳終不相害勿怖也使復

衣帽而禮之于是大赦削齊亂制收禮文武齊主入鄴廣寧王孝

珣請使任城王浩將幽州兵趣并州獨孤永業將洛州兵趣長安自將京畿兵鼓行逆戰斛律孝卿請齊主親

勞將士為之撰辭且曰宜忱慨流涕以感激人心齊主既出不復記所受言遂大笑左右亦笑將士皆怒無復

戰心行臺僕射高勸將兵衛太后太子還鄴謂齊主曰今之叛者多是貴人至于卒伍猶未離心且王師頻北

賊徒輕我今背城一決理必破之齊主不能用廣寧王孝珣文襄第二子任城王浩高祖第十子高勸字敬

德清河王岳子斛律孝卿太安人羌舉之子

丁陳太建九年齊幼主恒承光元年周建德六年春齊主

西是歲齊亡陳周二大國後梁一小國凡三國緯傳位于太子恒周師圍鄴緯出走周主入鄴齊高阿那

肱引周師追緯及恒獲之遂滅齊北齊自顯祖至後主亡凡五主共二十八年

齊望氣者言當有革易齊王引高元海等議禪位太子

安生既號通經豈其未聞
大義固破而掃門以待異
姓綱常之謂何安車駟馬
之賜上下蓋而失之

于是太子恒卽位生八年矣齊主緯自爲太上皇帝廣

寧王孝珩求拒周師高韓恐其爲變出孝珩爲滄州刺

史領軍尉相願拔佩刀斫柱歎曰大事去矣知復何言

周師至鄴圍之齊人出戰大敗緯從百騎東走周師入

鄴齊王公以下皆降留守大將軍慕容三藏紹宗之子猶拒

戰周主引見禮之周主先以馬腦酒鍾遺齊將鮮于世

榮漁陽人世榮碎之至是在三臺前鳴鼓不輟周人執之

世榮不屈乃殺之周主使將軍尉遲勤代人綱之子追齊主

齊國子博士熊安生博通五經聞周主入鄴遽令掃門

謁家人曰周帝重道尊儒必將見我俄而周主幸其家

不聽拜親執其手引與同坐賞賜甚厚給安車駟馬以

自隨又遣侍臣就中書侍郎李德林宅慰諭之引入宮

訪以齊事熊安生緯留胡太后于濟州使高阿那肱

字植之長樂阜城人

守關。卽稿礮關。注見前。

自與穆后馮妃幼主恒韓長鸞等數十

人奔青州。欲入陳。而高阿那肱密召周師。約生致齊主。

屢啓云。周師尚遠。已令燒斷橋路。緯由是淹留。自寬。周

師至關。阿那肱卽降之。周師奄至青州。緯囊金繫鞍後。

與后妃幼主等十餘騎南走。尉遲勤追及。盡擒之。并胡

太后送鄴。周主詔故斛律光等。宜追加贈諡。并爲改葬。

子孫隨蔭敘錄。田宅沒官者還之。指斛律光名曰。此人

在朕安得至此。高緯至鄴。周主降階。以賓禮見之。周主至長

安置緯于前。列其王公等于後。備大駕。布六軍。奏凱樂。獻俘于太廟。觀者皆稱萬歲。封緯爲溫公。周主與齊君

臣飲酒。令緯起舞。高延宗悲不自持。屢欲仰藥。其侍婢

禁止之。旣而周人誣緯與穆提婆謀反。并其宗族皆賜

死。衆人多自辯理。延宗獨攘袂泣而不言。以椒塞口而死。

二月齊廣寧王孝珩任城王湝起兵信都周齊王憲伐而執之。

齊廣寧王孝珩以五千人會任城王湝于信都共謀匡復周主使齊王憲柱國楊堅擊之至信都湝所署領軍

尉相願以衆降湝遂戰敗與孝珩俱被執憲謂湝曰任城王何苦至

此湝曰下官神武皇帝之子兄弟十五人幸而獨存逢

宗社顛覆今日得死無愧墳陵憲壯之命歸其妻子又

親爲孝珩洗瘡傳藥禮遇甚厚先是齊洛州刺史獨孤

永業有甲士三萬聞晉州陷請出兵擊周秦寢不報永

業憤憤及聞并州陷乃降周東雍州行臺傅伏不局

主遣韋孝寬招之令其子以上大將軍武鄉公告身賜

伏伏不受謂孝寬曰事君有死無二此兒爲臣不能竭

傳伏始拒周人之招慷慨自誓若確乎不可屈撓者及聞齊主成擒而幡然改節拜爵不辭與所稱有死無二母乃相戾以忠孝責之之言豈非虛哉

那肱召伏伏知齊主已被擒仰天大哭然後降周主

謂曰何不早降伏流涕對曰臣三世爲齊臣不能自死

羞見大地周主執其手曰爲臣當如此乃以所食羊肺

骨賜伏曰骨親肉疎所以相付遂授上儀同大將軍

東雍州魏置。今山西絳州是。

梁主朝周于鄴。

自秦兼天下。無朝覲之禮。至是周始命有司草具其事。

致積。

子賜反。饋之芻米也。

致餼。

養餼也。熟曰饔。腥曰餼。

設九賓。

主副也。

九介。

賓副。

也。

受享于廟。

享獻之禮。于廟受之。

三公三孤。

六卿致食。

音嗣。餼賓及其從。

勞賓。

慰問之也。

還贊。

執圭為贊。既見還之。

致享。

享燕也。

皆如古禮。

周詔舉山東明經幹治者。

周主西還。詔山東諸州各舉明經幹治者一人。若奇才

異術。卓爾不羣者。不拘此數。

已而周主以李德林為內史上士。詔誥格式及用山

東人物。並以委之。

夏五月。周主毀其宮室之壯麗者。

周主詔以路寢會義諸殿皆晉公護專政時所爲事窮壯麗有踰清廟可悉毀撤彫斲之物並賜貧民繕造之宜務從卑朴并鄴諸堂殿壯麗者準此又制庶人以上絲布圓綾紗絹綃葛布等九種餘悉禁之朝祭之服不拘此制周主性節儉常服布袍寢布被後宮唯置妃二人世婦三人御妻三人此外皆減之

秋八月周定權衡度量

詔頒之四方又行刑書要制羣盜贓一匹及正長五家

有長保五

爲閭有正隱五丁若地頃以上皆死

時鄭州獲九尾狐已死獻其骨周主

曰瑞應之來必彰有德今無其時恐非實錄詔焚之

冬十月陳司空吳明徹侵周圍彭城

陳主闔閭人滅齊欲爭徐兗詔吳明徹督諸軍北伐至

呂梁注見前周徐州總管梁士彥帥眾拒戰明徹擊破之。

士彥嬰城自守明徹圍之。陳主銳意以為河南指麾可定。蔡景歷諫曰師老將驕不

宜過窮遠畧。陳主怒以爲沮眾免官削爵土。

十一月己亥晦日食。

十二月齊范陽王高紹義顯祖第三子稱帝于北邊。

先是齊亡范陽王紹義至馬邑。北朔州治肆州以北皆應之。

紹義引兵欲南取并州至新興而肆州已爲周守遂奔

突厥。佗鉢可汗甚愛重紹義凡營州魏置治和龍。注見前。刺史

高寶寧齊之疎屬久鎮和龍甚得夷夏之心鄴都既陷

周主遣使招之不應至是寶寧上表勸進于紹義紹義

遂稱帝。改元武平。以寶寧爲丞相突厥舉兵助之。已而幽州人盧昌期

據范陽迎紹義紹義引突厥兵赴之周東平公宇文神舉擒斬昌期紹義還入突厥寶寧救范陽未至聞昌期死還據和龍紹義後為突厥所誘執送周人從死蜀中

戊陳太建十年周宣帝贊宣政元年

春二月周大將軍王軌救彭城獲陳

將吳明徹

吳明徹圍周彭城環列舟艦攻之甚急周遣王軌救之

軌引兵輕行據淮口結長圍以鐵鎖貫車輪數百沈之

清水

卽泗水

以遏陳船歸路軍中恐懼蕭摩訶言于明徹

曰聞王軌始鎖下流其兩端築城未立請往擊之不然

吾屬皆為虜矣明徹奮髯曰搴旗陷陳將軍事也長算

遠畧老夫事也摩訶失色而退一旬之間水路遂斷周

兵益至明徹苦背疾摩訶復請曰今求戰不得進退無

兵薄壁城而敵人遏其歸路急則可解緩則腹背受困理勢判然明徹曾無成見貌為鎮靜再阻摩訶突圍之舉直至水淺膠舟束

手就縛所詔為長寬遠略
安在雖憤懣而死豈足以
償其辜哉

路潛軍突圍未足為恥願公帥步卒乘馬輦徐行摩訶
領鐵騎數千驅馳前後必當使公安達京邑明徹曰此
良圖也然吾為總督必須身居其後馬軍宜在前不可
緩摩訶因帥馬軍夜發明徹決堰退軍至清口水勢漸
微舟礙車輪不得過王軌引兵蹙之眾潰明徹被執將
士輜重皆沒于周獨蕭摩訶與將軍任忠字奉誠汝陰人周羅
暉字公布尋陽人全軍得還陳主聞明徹被執即日召蔡景歷以為諮議參軍明徹憂憤而死

三月周主初服常冠

其制以皂紗全幅向後襞髮仍裁為四脚

夏五月周主邕伐突厥有疾而還六月殂太子贇立是為宣帝
以鄭譯為內史中大夫

突厥寇掠幽州。周主帥諸軍伐之。以疾留雲陽宮。詔停

諸軍。驛召宇文孝伯。執其手。以後事付之。令馳驛入京

鎮守。以備非常。六月朔。殂。

諡武皇帝。廟號高祖。葬孝陵。

太子卽位。卽

逞奢欲。曾無戚容。

捫其杖痕。大罵曰。死晚矣。閱視宮人。逼而幸之。

超拜鄭譯爲

內史中大夫。委以朝政。不踰月而葬。詔議卽吉。樂運以

爲葬期。旣促。事訖卽除。太爲汲汲。不從。

周主贊殺其叔父齊王憲。

周主以齊王憲屬尊望重。忌之。謂宇文孝伯曰。公能爲

朕圖齊王。當以其官相授。孝伯叩頭曰。先帝遺詔。不許

濫誅骨肉。齊王陛下叔父。功高德茂。社稷重臣。陛下若

無故害之。臣又順旨曲從。則臣爲不忠之臣。陛下爲不

孝之子矣。周主不憚。由是疏之。乃與于智諱之鄭譯等

謀。密使智告憲有異謀。遣孝伯召憲入殿。伏壯士執之。

憲自辯理。周主使智證之。憲目光如炬。與智相質。既而

歎曰。死生有命。寧復圖存。但老母在堂。恐留茲恨耳。因

擲笏于地。遂縊之。

周主召憲僚屬。使證成憲罪。參軍李綱以死自誓。終無撓辭。撫棺號慟。躬

自縊之。哭拜而去。李綱字文紀。勃海蓆人。

閏月。周立后楊氏。

秋七月。周以后父楊堅爲上柱國大司馬。

初。周內史王軌嘗言于高祖曰。太子非社稷主。普六茹

堅。

堅父忠。賜姓普六茹氏。

貌有反相。高祖不悅。曰。必天命有在。將

若之何。堅聞之懼。深自晦匿。

齊王憲亦言。堅相貌非常。恐非人下。請早除之。高祖

以君盟臣表周弊政陳宣
國方強盛無端而盟及羣
臣豈逆見叔陵狡險他日
將為不軌欲以此潛消其
逆謀乎顧不能數誠防閑
復界以主盟之任後此藥
刀抽所未必非載書墮之
應也

以問來和。和素附堅。對曰。隨公正是
守節人耳。來和字孔順長安人。至是堅以后父故
有是命。

九月陳主及其羣臣盟。

陳主立方明壇于婁湖。以始興王叔陵字子嵩陳主第二子為王

官伯。盟百官。自幸婁湖誓衆。分遣大使。頒下四方。以相

警戒。

已陳太建十一年。周春正月。周作刑經聖制。

周主初立。以高祖刑書要制為太重。除之。又數行赦宥。

由是民輕犯法。既而又自以奢淫多過失。惡人規諫。欲

為威虐。懾服羣下。乃更為刑經聖制。用法益深。大醺于

正武殿。告天而行之。密令左右伺察羣臣。小有過失。輒

行誅譴。又居喪纔踰年。卽恣聲樂。魚龍百戲。常陳殿前。日夜不休。多聚美女。增置位號。遊宴沉湎。旬日不出。于是樂運輿櫬詣朝堂。陳周主八失。其一。事多獨斷。不參儀同以上女。不許輒嫁。其三。一入後宮。數日不出。所須聞奏。多附宦者。其四。寬刑未幾。更嚴前制。其五。高祖斲雕爲樸。今乃遽窮奢麗。其六。徭賦下民。以奉俳優角抵。其七。上書字誤。卽治其罪。阻獻書之路。其八。元象垂誠。不能修布德政。若不革茲八事。臣見周廟不血食矣。周主大怒。將殺之。朝臣恐懼。莫有救者。內史中大夫元巖。字君山。洛陽人。歎曰。臧洪同死。人猶願之。況比干乎。若樂運不免。吾將與之同斃。乃詣閣請見。曰。樂運不顧其死。欲以求名。陛下不如勞而遣之。以廣聖度。周主感悟。明日召運謂曰。朕思卿所奏。實爲忠臣。賜御食而罷之。

二月。周主殺其徐州總管王軌。及宮正宇文孝伯。

周主之在東宮也。高祖慮不堪承嗣。御之甚嚴。王軌因

言曰。太子仁孝無聞。恐不了陛下家事。後又因內宴。掎

高祖鬚曰。可愛好老公。但恨後嗣弱耳。及周主嗣位。鄭

譯等用事。

軌聞之。自知及禍。謂所親曰。吾昔在先朝。實

淮南隣接疆寇。欲爲身計。今日之事。斷可知矣。此州控帶

不可虧。正可于此待死。冀千載後。知吾心耳。周主從容

問譯曰。我脚杖痕。誰所爲也。對曰。事由烏丸軌。軌之先

護烏丸校尉。故宇文孝伯。謂吐谷渾之因言掎鬚事。周

主遣使殺軌。元嚴不肯署詔。御正中大夫顏之儀切諫

曰。汝欲黨軌邪。嚴曰。臣非黨軌。正恐濫誅。失天下之望。

周主怒。使闔豎搏其面。軌遂死。嚴亦廢于家。顏之儀

子升見

他日。周主託以齊王憲事。讓孝伯曰。公知齊

遠之孫。

人君代天理民。未有不敬天而克享夫位者。宇文贊乃以天元自稱。妄比上帝。狂悖褻慢。能不于天怒。以速殞滅耶。尹起華謂其瘡不能言。為天何言哉。之報則失之鑿矣。

王謀反。何以不言。對曰。臣知齊王忠于社稷。為羣小所譖。言必不用。所以不言。且先帝付囑微臣。唯命輔導。陛下。今諫而不從。實負顧託。以此為罪。是所甘心。周主大慙。俛首不語。命將出。賜死于家。

周主贊傳位于太子闡。自稱天元皇帝。

天元傳位。驕侈彌甚。

所居稱天臺。自比上帝。冕服車旗。皆倍常制。以樽彝珪瓚飲食。羣臣

朝者。致齋三日。清身一日。不令人有天高上大之稱。官名犯者。皆改之。游戲不節。晨出夜

還。公卿以下。常被楚撻。

每捶人皆以百二十為度。謂之天杖。其後又加至二百四十。

后妃嬪御亦多杖背。于是內外恐怖。人不自安。周主闡仍居東宮。號正陽宮。

冬十月。周主贊復佛道像。

天元與二像並坐大陳雜戲令士民縱觀

又集百官宮人外命婦大

列妓樂作乞寒胡戲乞寒亦曰潑寒西域之樂

十二月周取陳江北地

周行軍元帥韋孝寬侵陳克壽陽及廣陵遂取陳江北

地

南北竟晉三州及盱眙山陽陽平馬頭秦歷陽沛北譙南梁等九郡民並自拔還江南周又取譙北徐州

自是江北之地盡沒于周

晉州梁置今安慶府是陽

平晉郡

故城在今鳳陽府靈璧縣馬頭宋郡故城在今

鳳陽府懷遠縣沛梁南沛郡故城在今泗州天長縣北

譙東魏郡

今滁州全椒縣是南梁梁郡故城在今鳳陽

府壽州譙州東魏置治渦陽今

潁州府蒙城縣是餘注俱見前

庚陳太建十二年

春三月周主贇立五后

先是周天元立妃朱氏

吳人闡之母為天元帝后已又改為

天皇后立妃元氏為天右皇后陳氏為天左皇后與天

先是周天元立妃朱氏

吳人闡之母為天元帝后已又改為

天皇后立妃元氏為天右皇后陳氏為天左皇后與天

元皇太后楊氏凡四后至是將立五后以問小宗伯辛

彥之

狄道人

對曰皇后與天子敵體不宜有五博士何妥

字懷鳳西城人

曰帝譽四妃虞舜二妃先代之數何常之有天

元大悅免彥之官以陳氏為天中太皇后尉遲妃為天

左太皇后

造下帳五使五后各居其一又以五格載婦人自帥左右步從

夏五月周主贊劼楊堅自為大丞相假黃鉞居東宮

周天元昏暴滋甚楊后父隨公堅位望隆重天元忌之

嘗因忿謂后曰必滅爾家因召堅欲殺之而不果鄭譯

與堅少同學奇堅相表

堅寵顏額上有五柱入頂目光外射有文在手曰王傾心

相結及是天元不豫小御正劉昉

博陵望都人

素以狡詔得

幸與御正中大夫顏之儀並見親信天元召入卧內欲

璽後事而瘖不能言。昉見周主闡幼冲，以堅后父有

重名，遂與譯及御節大夫

後周置掌御節

柳裘

字茂和世隆之曾孫

內史

大夫韋譽

京兆人

御正下士皇甫績

字功明安定朝那人

謀引堅輔

政

堅不敢當昉曰公苦為速為之不為昉自為也

堅乃稱受詔居中侍疾。天元

遂殂，秘不發喪。昉譖矯詔以堅總知中外兵馬事。之儀

不從。昉等逼之儀，速署之儀厲聲曰：主上升遐，嗣子幼

冲，阿衡之任宜在宗英。趙王

名招字豆盧突太祖子

合膺重寄，公

等奈何欲以神器假人之儀？有死而已。不能誣罔先帝。

昉等乃代署而行之。諸衛既又救，並受堅節度。堅就之

儀，索符璽之儀，正色曰：此天子之令，自有主者。宰相何

故索之？堅大怒，將殺之。以其八望出為西疆。

後周郡治合川故城

在今西寧郡守。于是乃發喪。上宣帝諡。周主人居天臺。

府。張伯縣。尊楊后為皇太后。朱后為帝

太后。陳元尉遲三后並為尼。以楊堅為假黃鉞左大丞

相。百官總已以聽。時眾情未壹。堅引司武上士盧賁。字

微。辯。子。置左右。潛令部伍仗衛。至東宮門者拒不納。賁叱

之。堅乃得入。賁遂典丞相府宿衛。以鄭譯為長史。劉昉

為司馬。李德林為府屬。內史下大夫高頴。

字昭元。勃明海蓀人。

敏有器局。習兵事。多計畧。堅引為司錄。時漢王贊。字乾

祖。居禁中。劉昉飾美妓送贊。說之歸第。曰。待事寧後入

為天子。此萬全計也。贊年少庸下。從之。

堅革宣帝苛酷之政。更為寬大。

刪畧舊律。作刑書要制。奏而行之。躬履節儉。中外悅之。

堅夜召太史中大夫庾季才。問曰。天時人事何如。季才

曰。天道精微難測。以人事卜之。符兆定矣。獨孤夫人亦

謂堅曰。騎虎之勢。必不得下。勉之。獨孤夫人信之女。

周相州總管蜀公尉遲迥舉兵相州討楊堅。堅遣韋孝寬將兵擊之。

堅以迥位望素重，必不附已，召之會葬，而以韋孝寬爲相州總管。迥知堅將不利于周室，謀舉兵討之。集文武士民令之曰：楊堅藉后父之勢，挾幼主以作威福，不臣之跡，暴于行路。吾與國舅甥，任兼將相，今欲計合義勇，匡國庇民，何如？衆咸從命。迥乃自稱大總管，奉趙王招少子以號令。

天元時，趙王威就國，及堅秉政，恐諸王在外生變，因徵入朝。

堅以鄧公

韋孝寬爲行軍元帥以討迥。

迥移書于其弟子青州總管勤，勤表送其書，尋復從

并州刺史李穆，穆子士榮以穆所居天下精兵處，陰勸

穆從迥，穆深拒之。堅使穆子渾往布腹心，穆使渾奉尉

遲于迥，迥執威柄以尉安天下，又以十三銀金帶遣

堅十三。銀金帶者。天子之服也。堅大悅。穆兄子崇為懷州刺史。初欲應迴。後知穆附堅。慨然太息曰。闔家富貴數十人。值國有難。竟不能扶傾繼絕。復何面目處天地間乎。不得已。亦附于堅。尉斗。即尉斗也。李渾。字金才。永隆。賢之子。

周楊堅自加都督中外諸軍事。

周楊堅殺趙王招。越王盛。字立久。突高祖子。

先是周畢王賢。字世宗子。謀殺堅。事泄。堅殺賢及其三子。

至是趙王招邀堅過其第。引入寢室。伏壯士于室後。堅

左右皆不得從。唯腹心元胄。魏濮陽王順之孫。坐戶側。酒酣。招

以佩刀刺瓜。連陷堅。欲因而刺之。胄進曰。相府有事。不

可久留。招叱之使却。胄瞋目憤氣。扣刀入衛。扶堅趨去。

招將追之。胄以身蔽戶。招不得出。堅乃誣招與越王盛

謀反。皆殺之。及其諸子。賞賜元冑。不可勝計。周室諸王。

殺堅。堅都督李圓。通常保護之。由是得免。已而堅又殺陳王純。純及代王達。滕王適。李圓通。京兆涇陽人。陳王純。字堙。智突。代王達。字度斤。突。滕王適。字爾固。突。俱太祖子。

秋八月。梁遣使如周。

梁使中書舍人柳莊。

字思敬。解人。

奉書入周。丞相堅執莊手。

曰。孤昔從役江陵。深蒙梁主殊眷。今猥蒙顧託。當相與

共保歲寒耳。

時周即州總管司馬消難。舉兵應相州。益州總管王謙。亦起兵于蜀。梁諸臣俱勸梁

主與尉遲迥連謀。以為進可以盡節。周氏退可以席卷

山南。梁主疑未決。會莊至。具道堅語。且曰。尉遲迥昏耄

已甚。消難王謙常人之下者。非有匡合之才。終當覆滅

隨公必毀周祚。莫若保境息民。以觀其變。梁主然之。已

而消難以眾奔陳王謙。為梁睿所敗。被殺。高阿那肱為

謙將。睿并斬之。鄭州本西魏安州。後周更名。今湖北

德安府是。山南漢沔之地。在終南山之南。故曰

山南。王謙字救萬。雄之子。梁睿字恃德。德之子。

周尉遲迴兵敗自殺

先是周韋孝寬引軍壁于武陟。

隋縣今屬河南懷慶府

與尉遲迴

隔沁水。

出山西沁州沁源縣羊頭山流至武陟縣入于河

相持不進。孝寬長史

李詢

字孝詢崇之兄

密啓丞相堅云。總管梁士彥等並受迴金。

堅憂之。與李德林謀。欲遣腹心一人往監諸軍。使觀情

僞。劉昉。鄭譯皆辭。堅不悅。司錄高熲請行。堅大喜。卽遣

之。及是。熲至軍。爲橋于沁水。迴子魏安公惇軍沁東。布

陳二十餘里。麾兵少却。欲待孝寬軍半度擊之。孝寬因

其却。鳴鼓齊進。軍旣度。熲命焚橋。以絕士卒反顧心。惇

兵大敗。孝寬乘勝進追至鄴。

迴卒十三萬。陳于城南。迴弟勤帥衆五萬自青州赴

迴以三千騎先至。

迴素習軍旅。老猶被甲臨陳。其麾下皆關中

人爲之力戰。孝寬等軍不利而却。鄴中士民觀戰者數

萬人。宇文忻

字仲樂。貴之子。

曰。事急矣。吾當以詭道破之。乃先

射觀者。觀者皆走。轉相騰藉。聲如雷霆。忻乃傳呼曰。賊

敗矣。衆復振。因其擾而乘之。迴軍大敗。走保鄴城。孝寬

縱兵圍之。迴擲弓于地。罵堅極口而自殺。迴起兵六十

八日而敗。孝寬分兵悉平關東。

勤走青州。追獲之。堅以其初有誠款。特不之罪。

冬十月甲寅日食。

後周書北史。俱不書朔晦。

十二月周楊堅自爲相國進爵隨王加九錫。

辛

陳太建十三年。

周大象三年。

二月以後隋高祖。

丑文帝楊堅開皇元年。

是歲周亡隋代。凡三國。

春二月。

周楊堅稱皇帝。

是爲隋文帝。本襲封隨公。故國號曰隨。以周齊不遑寧處。乃去之。作隋。以之訓走故

也。本作

走。音綽。

庾季才勸隋王。以今月甲子應天受命。李穆、盧賁亦勸

之。于是周主遜居別宮。隋王卽皇帝位。後周自愍帝至靜帝亡。凡五主。

合二十五年。時周境內有州二百一十一。郡五百八。隋皆有

之。初。隋主與周載下大夫榮建緒有舊。將受禪。建緒出爲息州刺史。隋主謂曰。且躊躇。當共取富貴。建緒正

色曰。明公此旨。非僕所聞。及卽位來朝。隋主謂曰。卿亦悔不。對曰。臣位非徐廣。情類楊彪。隋主曰。朕雖不曉書

語。亦知卿此言不遜。竇毅之女。聞隋受禪。自投堂下。撫膺太息曰。恨我不爲男子。救舅氏之患。毅及襄陽公主

掩其口曰。汝勿妄言。滅吾族。由是奇之。及長。以適唐公李淵。載下大夫。胡三省注。載下逸師字。後周置載師。

屬地官。有中大夫。下大夫。息州。後周改魏東。豫州置。今光州息縣是。榮氏。出周榮公。後建緒。北平無終人。李淵

昉之子。卽唐高祖。

隋改官名。

崔仲方。字不齊。博陵安平人。勸隋主除周六官。依漢魏之舊。于是

置三師。

太師。太傅。太保。

三公。

太尉。司空。司徒。

及尚書。

設令左右僕射。無所不統。

門下。

置納言。給事等官。

內史。

置監。令等。

秘書。

領著作。

內侍。

皆宦官。

五省。御史。

主彈劾。

都水。

主作造。

二臺。太常等十一寺。

太常。光祿。衛尉。宗正。太僕。大理。鴻臚。司農。

太府。國子。將作。

左右衛等十二府。

皆軍府。

以分司統職。又置上柱

國至都督十一等勲官。

柱國。大將軍。開府。儀同三司。皆

三等。以酬勤勞。特進至朝散大夫。

特進。左右光祿。金紫。銀

七等散官。以加文武之有德聲者。改侍中為納言。

改度支尚書為民部。都官尚書為刑部。命左僕射。禮。兵。三部。右僕射。判民。刑。工。三部。廢光祿。衛尉。鴻臚寺。

及都水臺。

隋修廟社。

尊考為武元皇帝。廟號太祖。妣呂氏為元明皇后。社稷。

既知預政之漸不可開則
所為方輦而進及使宦官
伺政獨非此雞之晨乎至
於聽納謔言廢舅立廣獨
孤又安得辭其過耶

並列于含光門內之右

隋立后獨孤氏

后家世貴盛而能謙恭雅好讀書言事多與隋主意合

甚寵憚之宮中稱為二聖

隋主每臨朝后輒與力而進至閭乃止使宦官伺隋主

政有所失隨事匡諫退朝同反燕寢有司奏稱問禮百官之妻命于皇后請依古制后曰婦人預政或從此為漸不可開其源也都督崔長仁后之中外兄弟也犯公當斬隋主以后故欲免之后曰國家之事焉可顧私長仁竟坐死隋主亦懲周氏之失不以權任假借外戚后兄弟不過將軍刺史

隋立世子勇

字現地伐

為太子諸子皆為王

廣

一名英第二子即煬帝

為晉王俊

字阿祇第三子

為秦王秀

第四子

為越

王諒

字德章第五子

為漢王

隋廢周主闡為介公改封周太后楊氏為樂平公主

初劉鄭矯詔以隋主輔政楊后雖不預謀然以嗣主幼冲恐權在他族聞之甚喜後知其父有異圖意頗不平形于言色及禪位愈憤惋隋主愧之改封樂平公主欲奪其志公主誓不許乃止

隋主盡滅宇文氏之族

虞慶則

京兆櫟陽人

勸隋主盡滅宇文氏高頴楊惠

隋主族子後更

名雄亦依違從之李德林固爭以爲不可隋主作色曰君書生不足與議此於是周太祖以下子孫皆死而德林品位遂不進

隋徵蘇威

字無畏綽之子

爲太子少保

威少有令名周宇文護彊以女妻之威見護專權恐禍

讀孝經一卷足以立身治國威言是矣然威父即仕周威乃辭周拜而致身於篡周之隋室移孝作忠之義安在隋文比之商山四皓此特用以自文而已

及已屏居山寺以諷讀爲娛。周高祖聞其賢除車騎大將軍辭疾不拜。隋主爲丞相高顥薦之。隋主召見與語大悅。居月餘聞將受禪遁歸田里。顥請追之。隋主曰。此不欲預吾事耳。置之。及受禪徵拜太子少保。追封綽爲邳公。以威襲爵。尋兼納言度支尚書。初蘇綽在西魏以法頗重。旣而歎曰。今所爲者正如張弓。非平世法也。後之君子誰能弛之。威聞其言。每以爲已任。至是奏減賦役。務從輕簡。隋主從之。威嘗言于隋主曰。臣先人每戒臣云。唯讀孝經一卷足以立身治國。何用多爲。隋主深然之。

夏四月。隋放散樂。禁雜戲。

五月。隋主堅弒介公闡。

諡曰周靜帝。

秋九月。隋鑄五銖錢。

初周齊所鑄錢凡四等

齊天保初。改置常平五銖。重如其文。後周保定初。更鑄布泉之

錢。以一當五。建德中。更置五行大布錢。以一當十。大象初。又鑄永通萬國錢。以一當千。及民間私

錢名品甚衆

鄴中有赤熟青熟細眉赤生之異。河南有青薄鉛錫之別。梁益雜用古錢。河西諸郡

或用西域金銀之錢。輕重不等。隋主患之。更鑄五銖錢。背面肉好。

皆有周郭。每一千。重四觔二兩。悉禁古錢及私錢。不如

樣者。沒官銷毀。自是錢幣始一。民間便之。

隋上柱國鄭譯有罪。除名。

譯以上柱國歸第。

先是。譯辭監軍。隋主漸疎之。敕屬不得白事于譯。譯懼。遂求自

以被疎。陰呼道士醮章祈福。婢告以爲巫蠱。又與母

別居。爲憲司所劾。除名。

隋主下詔曰。譯若留之于世。在

爲不孝之鬼。宜賜以孝經。令其熟讀。仍遣與母同居。

譯與劉昉贊成隋禪。未幾。誣斥誅夷。曾不旋踵。留世。爲不道之臣。戮朝爲不孝之鬼。二語尤足令衛國奸諛寒心破膽。

冬十月。隋初行新律。

初。周法比于齊律。煩而不要。隋主命高頴鄭譯及楊素

裴政。字德表。邃之孫。等。更加修定。政練習典故。達于從政。乃采

魏晉舊律。下至齊梁沿革重輕。取其折衷。去梟鬻鞭笞。

非謀叛。無族罪。始制死刑二。絞。斬。流刑三。自二千里至三千里。徒

刑五。自一年至三年。杖刑五。自六十至一百。笞刑五。自十至五十。又制議。羣

議。請于上。減。罪有可原。請于上。減。本科。贖以銅。官當。罰官品以之科。以

優士大夫。除詎囚酷法。杖考掠不得過二百。柳民有枉屈。

縣不為理者。聽以次經郡州省。若仍不為理。聽詣闕伸

訴。自是法制遂定。後隋主覽刑部奏獄數猶至萬。以律

簡要。疎而不失。仍置律博士弟子員。牛弘。字里仁。安定鶉觚人。本姓李。父允仕魏。賜姓牛氏。

隋以梁彥光字修芝安為相州刺史房恭懿字慎言為海

州東魏置今隸江南刺史

初彥光為岐州魏置今陝西鳳翔府是刺史岐俗質厚彥光以靜

鎮之奏課連為天下最隋主下詔褒美賜粟帛徙相州

刺史鄴自齊亡衣冠士人多遷入關唯工商樂戶移實

目彥光為著帽飭隋主聞之免彥光官彥光請復為之

發擿姦伏有若神明豪猾潛竄闔境大治于是招致名

儒每鄉立學親臨策試褒勤黜怠風化大變新豐令房

恭懿政為三輔之最每朝謁隋主呼至榻前訪以治民

之術謂諸州朝集使曰房恭懿志存體國愛養我民卿

等宜師之因擢為海州刺史由是吏多稱職百姓富庶

十二月突厥佗鉢可汗死分立四可汗

佗鉢可汗病且卒。謂其子菴邏曰：「吾兄不立其子，委位

于我，我死，汝當避大邏便。」

木村之子。

及卒，國人以大邏便母

賤，菴邏實貴，竟立為嗣。大邏便心不服，菴邏每遣人詈

辱之。菴邏不能制，因以國讓攝圖。

逸可汗之子。

國人共迎立

之，號沙鉢畧可汗，居都斤山。

在漠北。

菴邏降居獨洛水。

亦在

漠北。稱第二可汗。沙鉢畧以大邏便為阿波可汗，還領所

部。又沙鉢畧從父玷厥居西面，號達頭可汗。諸可汗各

統部眾，分居四面。沙鉢畧勇而得眾，北方皆畏附之。

是先

周與突厥和親，以趙王招女為千金公主妻之。及隋主

立，公主傷其宗祀覆沒，日夜請為周復讐。沙鉢畧謂其

臣曰：「我周之親也，今隋公自立而不能制，復何面目見可賀敦乎？」乃與高寶寧合兵伐隋。隋主峻長城，命虞慶

則鎮并州，屯兵以備之。

壬辰陳太建十四年春正月陳主顓頊始興王叔陵作亂伏

誅太子叔寶立是為後主

叔陵性苛刻狡險為揚州刺史與新安王伯固字牢之世祖第

五子密圖不軌陳主不豫太子與叔陵及長沙王叔堅字

成陳主第四子並入侍疾陳主殂太子哀哭俯伏叔陵抽剉藥

刀斫之中項悶絕于地柳后來救又斫之叔堅手搯叔

陵奪其刀叔陵走出雲龍門馳車還東府召左右斷青

溪道赦東城囚以充戰士散金帛賞賜又召諸王將帥

莫有至者唯伯固單馬赴之叔堅白柳后以太子命召

右衛將軍蕭摩訶入見受敕帥馬步數百趣東府屯城

西門叔陵惶恐自知不濟欲奔隋臺軍邀斬之伯固亦

為亂兵所殺太子即位

說陳主曰孝宣皇帝廟號高宗葬顯寧陵

隋以晉王廣為河北行臺尚書令蜀王秀

先封越以爲益州總管因徙封

為西南行臺尚書令秦王俊為河南行臺尚書令

隋主懲周氏孤弱而亡故使三子分治方面盛選僚佐

以王韶

字子相太原晉陽人

李雄

字毗盧趙郡高邑人

李徹

字廣達朔方最綠人

總晉

王府軍事元巖為益州長史韶雄嚴俱有骨鯁名徹前

朝舊將故用之

雄家世以學業自通雄獨習騎射其兄

能成其功業者鮮矣雄雖不敏頗觀前志但不守章句

耳至是隋主謂雄曰吾兒更事未多卿才兼文武吾無

北顧之憂矣

陳遣使請和于隋先是隋僕射高潁督諸軍侵陳及是陳高宗殂嗣主新

立遣使請和于隋高潁奏禮不伐喪隋乃詔潁班師

夏六月隋作新都于龍首山

注見前

隋主嫌長安城制度狹小蘇威因勸遷都隋主夜與威及高潁共議明旦庾季才奏曰臣仰觀元象俯察圖記必有遷都之事且漢營此城將八百歲水皆鹹鹵不甚宜人願陛下協天人心為遷徙之計隋主愕然謂潁威曰是何神也乃詔潁等創新都于龍首山

癸陳後主叔寶至德元年隋開皇三年春二月己巳朔日食

陳以毛喜為永嘉內史

陳主之卽位也病創不能視事

政皆決于長沙王叔堅

已而創愈

置酒自慶引江總以下展樂賦詩既醉而命毛喜

召與言事

也時山陵初畢喜見之不懌欲諫則陳主已醉乃升階陽爲心疾仆于階下移出省中陳主醒謂江總曰喜實無疾但欲非我所爲耳欲殺之不果以爲永嘉內史

三月隋遷于新都

隋新都成命曰大興城徙都之

今西安府隋大興城也唐曰京城唐書地理志

京城前直子午谷後枕龍首山左臨灊岸右抵灃水

隋減調役弛酒鹽禁

初令民二十一成丁減役者歲爲二十日調絹爲二丈周末榷酒坊鹽池鹽井至是皆罷之

隋詔求遺書

秘書監牛弘上表曰典籍屢經喪亂卒多散逸周氏聚

李陵名將也張空拳以應敵尚且成擒乃謂轉戰三晝夜士卒徒搏以當四十萬控弦之衆手皆骨見而尙能殺賊逐虜實理之所必無此蓋長孺掩敗飾功妄言之而輕信之作史者遂據爲奇談耳觀於李充突厥臣於驃勝云云其矛盾可立辨

書僅盈萬卷平齊所得裁益五千興集之期屬膺聖世

爲國之本莫此爲先隋主從之詔獻書一卷資縑一匹

夏四月隋遣元帥衛王爽

字師仁隋主之弟

伐突厥大破之

突厥數爲隋寇

先是高寶寧引突厥寇隋平州突厥悉發控弦之士四十萬入長城尋入蘭州

隋行軍總管達奚長孺與之遇且戰且行轉鬪三晝夜凡十四戰五兵咸盡士卒以拳毆之手皆骨見殺傷萬計虜乃解去已而突厥又寇武威等七郡達奚長孺字富仁代人至是隋主卜詔曰往

者周齊抗衡俱通突厥以虜輕重爲國安危朕以爲厚

斂兆庶多惠豺狼未嘗感恩資而爲賊節之以禮不爲

虛費省徭薄賦國用有餘因入賊之物加賜將士息道

路之民務爲耕織清邊制勝成策在心諸將今行義兼

含有降者納有違者死于是命衛王爽等爲行軍元

帥分八道出塞擊之。爽督總管李充。

龍西成紀人。唐書宰相世系表作充。

節等出朔州道與沙鉢略可汗遇于白道。

胡三省注。朔州長城北有。

白道。

充言于爽曰。突厥狙于驟勝。必輕我而無備。以精

兵襲之。可破也。諸將多以為疑。唯長史李徹贊成之。遂

與充帥精騎五千掩擊突厥。大破之。沙鉢略棄所服金

甲而遁。其軍無食。粉骨為糧。加以疾疫。死者甚眾。幽州

總管陰壽。

字羅雲。武威人。

出盧龍塞。

注見前。

擊高寶寧。突厥不能

救。寶寧為其下所殺。和龍悉平。

秋八月丁卯朔日食。

冬十一月隋罷郡為州。

兵部尚書楊尙希。

華陰人。

曰。今或地無百里而數縣並置。

或戶不滿千。而二郡分領僚吏既衆。資費日繁。民少官多。十羊九牧。宜存要去閑。併小爲大。國家則不虧粟帛。選舉則易得賢良。蘇威亦以爲請。隋主從之。罷郡爲州。隋沿河置倉運粟。以給長安。

隋主以長安倉廩尙虛。詔西白蒲陝。

蒲州。注見前。陝州。後周置。今隸河南。

東至衛汴。

衛州。後周置。今衛輝府是。汴州。後周改齊梁州置。今開封府是。水次十三州。

募丁運米。又于衛州置黎陽倉。陝州置常平倉。華州。

西魏

置。今屬同州府。置廣通倉。轉相灌輸。漕關東及汾晉之粟。以給

長安。

隋杞州。

隋置尋廢。今開封府杞縣是。

刺史和干子免。

時刺史多任武將。類不稱職。治書侍御史柳彧。

字幼文。仲禮之。

人主一日二萬幾政事
所關安問巨細惟不急之
務職有司存耳倘高詒垂
拱之名而陰啓廢弛之漸
國政將奚賴焉柳或之言
庶謂知其一不知其二者

子。上表曰。昔漢光武與二十八將披荆棘而定天下。及
功成之後。無所任職。伏見詔書以和千子爲杞州刺史。
千子前任趙州。百姓歌之曰。老禾不早殺。餘種穢良田。
千子弓馬武用。是其所長。治民泣衆。非其所解。若令刺
舉所損殊大。隋主善之。千子竟免。或見隋主勤于聽受。百僚奏請。多有煩碎。
上疏諫曰。自古聖帝。莫過唐虞。然皆勞于求賢。逸于任
使。陛下留心治道。無憚疲勞。乃至營造細小之事。出給
輕微之物。一日之內。酬答百司。日昨忘食。夜分未寢。動
以文簿。憂勞聖躬。願察臣言。少減煩務。唯經國大事。非
臣下所能裁斷者。奏請詳決。自餘細務。責
成所司。隋主嘉之曰。柳或直士。國之寶也。
甲辰陳至德二年。隋開皇四年春正月甲子朔日食。

隋頒甲子元歷。

前華州刺史張賓儀同三司劉暉所造。詔頒行之。

二月突厥達頭可汗請降于隋。

初周遣長孫晟

字季晟。覽從子。

送千金公主于突厥。突厥留之。

竟歲晟因悉知其山川形勢。部衆彊弱。及還上書隋主。

請密運籌策以離諸部。

晟以爲玷厥之于攝圖兵彊而位下。外名相屬。內隙已彰。攝圖

之弟處羅侯姦多勢弱。曲取衆心。阿波首鼠。介在其間。唯彊是與。未有定心。今宜遠交而近攻。離彊而合弱。通

使玷厥說合阿波。又引處羅。遣連奚霫。俾攝圖首尾猜嫌。腹心離阻。因而乘襲討之。可一舉而空其國矣。玷

厥卽達頭。攝圖卽沙鉢略。處羅侯號突利。設。隋主省書

奚卽庫莫奚。東胡別種。霄先立反。奚之別種。遣太僕元暉詣達頭。賜以狼頭纛。達頭

大悅。皆納用焉。使至。引居沙鉢略。使上。又使晨齎幣賜

奚。習契丹。至處羅侯所。誘之內附。元暉字叔平。洛陽人。契丹。注見前。由是諸部果相猜

貳。晟復縱行反間。達頭阿波與沙鉢略遂連兵不已。

阿波與涼州總管竇榮定相拒。屢敗晟。時爲偏將。遣使謂曰。攝圖阿波兵勢不敵。今攝圖口賤。而阿波不利。攝圖行

滅北牙矣。何不與隋連和。依附天子。遂結達頭。相合為疆。此萬全計也。阿波然之。遣使隨晟入朝。沙鉢略聞之。遂襲破北牙。阿波還無所歸。西奔達頭。達頭大怒。遣阿波帥兵而東。與沙鉢略相攻。屢破之。復得故地。兵勢日彊。沙鉢略部眾多叛歸之。竇榮定熾從子。至是達頭請降于隋。

夏六月。隋作廣通渠。隋漢漕渠故道。隋復開之。今堙。

隋主以渭水多沙。深淺不常。漕者苦之。詔宇文愷字安樂。忻

弟之鑿渠引渭。自大興城東。至潼關三百餘里。名廣通渠。

漕運通利。關內賴之。

秋九月。隋詔公私文翰。並宜實錄。

隋主不喜辭華。故有是詔。治書侍御史李諤上書曰。魏

江左齊梁其弊彌甚。競一韻之三。祖崇尚文詞。遂成風俗。竇不出月露之形。積案盈箱。唯是風雲之狀。世俗以之相高。朝廷以之擢士。故其文日繁。其政日亂。良由棄大聖之軌模。構無用以為用也。今朝廷雖有是詔。而州縣

仍踵弊風。躬仁孝之行。者不加收齒。工輕薄之藝者。舉送天朝。請加采察。送臺推劾。又言。士大夫矜伐干進。無復廉恥。乞明加罪黜。以懲風軌。詔以其奏。頒示四方。
李諤。字士恢。趙郡人。魏三祖。謂曹魏太祖高祖烈祖。隋與突厥和親。

突厥沙鉢略可汗。數為隋敗。乃請和親。千金公主。自請

改姓楊氏。為隋主女。隋更封以為大義公主。

沙鉢略遣使致書。自

稱從天生。大笑厥天下賢聖。天子沙鉢略可汗。隋主復書曰。大隋天子。貽書大突厥沙鉢略可汗。得書。知大有善意。既為沙鉢略婦翁。今日視沙鉢略與兒子不異。時遣大臣往彼省女。復省沙鉢略也。于是遣僕

射虞慶則往使。將軍長孫晟副之。沙鉢略陳兵坐見慶

則。稱疾不能起。長孫晟曰。突厥與隋俱大國。天子但可

汗。是大隋女婿。奈何不敬婦翁。沙鉢略笑。乃起拜頓顙。

跪受璽書。以戴于首。既而大慙。與羣下聚哭。慶則要以

桐臣沙鉢略謂左右曰。何謂臣。左右曰。隋言臣猶此云。
奴耳。沙鉢略曰。得爲大隋天子奴。虞僕射之力也。贈馬
千匹以從妹妻之。

冬十一月。隋遣使如陳。

隋主遣薛道衡

字元卿。汾陰人。聰之孫。

等如陳。戒之曰。當識朕意。

勿以言辭相折。

陳起臨春。結綺。望仙閣。

舊址在今江寧府故臺城中。

陳主起三閣。各高數十丈。連延數十間。皆以沉檀爲之。
金玉珠翠爲飾。珠簾寶帳。服玩瑰麗。近古未有。其下積
石爲山。引水爲池。雜植花卉。陳主自居臨春。張貴妃居
結綺。龔孔二貴嬪居望仙。複道往來。以宮人袁大捨等

爲女學士。僕射江總雖爲宰輔，不親政務，日與都官尚

書孔範

字洪言，會稽山陰人。

等文士十餘人，侍宴後庭，謂之狎客。

使諸妃嬪及女學士與狎客共賦詩，采其尤艷麗者，被

以新聲。其曲有玉樹後庭花、臨春樂等。大畧皆美諸妃

嬪之容色。君臣酣歌自夕達旦，以此爲常。

張貴妃名麗華，本兵家女。

性敏慧，有神彩，善候人主顏色。陳主怠于政事，百司啓

奏，並因宦者以進。陳主置妃膝上，共決之。由是宦官近

習，內外連結，賣官鬻獄，賈賂公行。大臣有不從者，因而

譖之。于是大臣皆從風諂附。孔範與孔貴嬪結爲兄妹。

陳主惡聞過失，每有惡事，範必曲爲文飾，稱揚贊美。由

是寵遇優渥，言聽計從。羣臣有諫者，輒以罪斥之。中書

舍人施文慶嘗事陳主于東宮，大被親幸，薦所善沈客

卿、陽惠朗、徐哲、暨慧景等，有吏能，陳主皆擢用之。督責

苛碎，聚斂無厭，關市之稅歲入數十倍。士民嗟怨。陳主

大悅。孔範自謂文武才能，舉朝莫及。白陳主曰：「諸將起

自行伍，匹夫敵耳。自是將帥微有過失，卽奪

其兵，分配文吏，由是文武解體，以至覆滅。」

社倉義倉在官有在官之弊在民有在民之弊然在官者法立而易行在民者地渙而難察司牧者誠奉行以實便在官不為胥吏侵漁在民不為鄉保耗蠹庶於民食有裨耳故曰有怡人無治決

乙陳至德三年春正月戊午朔日食

隋頒五禮

禮部尚書牛弘所修也

夏五月隋初置義倉

工部

通鑑作度支隋書食貨志作工部考開皇元年已改度支為民部通鑑疑有誤今從隋志

尚書

長孫平

字處均

奏令民間每秋家出粟麥一石以下貧

富為差儲之當社

百家為里

委社司檢校以備凶年名

曰義倉隋主從之

梁主歸俎太子琮

字溫立

歸孝慈儉約境內安之

諡孝明皇帝廟號世宗

秋八月突厥沙鉢略可汗遣子入朝于隋

突厥阿波可汗寢彊諸胡皆附。號西突厥。沙鉢略既與阿波有隙。又爲達頭所困。復畏契丹。遣使告急于隋。請將部落度漠南。隋主命晉王廣以兵援之。給以衣服。賜之車服鼓吹。沙鉢略因擊西突厥。破之。乃立約以磧爲界。因上表曰。天無二日。土無二王。大隋皇帝。眞皇帝也。豈敢阻兵恃險。偷竊名號。今屈膝稽顙。求爲藩附。遣其子庫合真入朝。自是歲時貢獻不絕。

陳主殺其中書通事舍人傅綽。

字宜事北地靈州人。

綽先事陳主于東宮。負才使氣。人多怨之。及是。施文慶

沈客卿共譖。綽受高麗使金。陳主收綽下獄。綽于獄中

上書。

累曰。夫君人者。恭事上帝。于愛下民。省嗜慾。遠詔佞。求明求衣。日昃忘食。是以澤被區宇。慶流子孫。

陛下頃來。酒色過度。不虔郊廟。小人在側。宦豎弄權。惡忠直如仇讐。視生民如草芥。後宮曳綺繡。廐馬餘菽粟。百姓流離。僵屍蔽野。貨賄公行。帑藏損耗。神怒民怨。衆叛親離。臣恐東南王氣。自斯而盡矣。陳主每當郊祀。常稱疾不行。故書奏。陳主大怒。頃之意稍解。遣使謂曰。我

欲赦卿。卿能改過否。對曰。臣心如面。面可改。則心可改。

矣。陳主益怒。遂賜死。

吳興章華。好學能文。以無閥閱。除大市令。鬱鬱不得志。上書極諫。畧

曰。陛下卽位。于今五年。溺于嬖寵。惑于酒色。祠七廟而不出。拜三妃而臨軒。老臣宿將。棄之草莽。詔佞讒邪。升之朝廷。今疆場日蹙。隋軍壓境。陛下如不改弦易張。臣見麋鹿復遊於姑蘇矣。陳主大怒。斬之。章華字仲宗。

隋築長城。

隋主發丁三萬。于朔方靈武。

今寧夏府靈州。周置普樂郡。隋初廢。後復爲郡。日靈

武。築長城。東距河。西至綏州。

西魏置。今陝西綏德州是。綿歷七百里。

明年。又發丁十五萬。于朔方以東。緣邊築數十城。以遏

胡寇。

丙陳至德四年。隋開皇六年。午。梁後主琮廣運元年。春正月。党項羌西羌別種其國在禹貢析地。請降于隋。

秋。閏八月。隋殺其上柱國梁士彥。宇文忻。劉昉。

初。士彥討尉遲迥。破之。代爲相州刺史。忻與隋主少相厚。善用兵。有威名。隋主皆忌之。以譴去官。昉亦被疎遠。俱懷怨望。忻欲使士彥于蒲州起兵。已爲內應。士彥之甥裴通預其謀而告之。隋主隱其事。以士彥爲晉州刺史。欲觀其意。士彥忻然。謂昉等曰。天也。隋主因其朝謁。執而詰之。遂皆伏誅。隋主素服臨射殿。命百官射三家資物以爲戒。

冬。十月。吐谷渾太子訶請降于隋。隋主弗納。

夸呂以梁大同六年始立
距陳隋丙午歲僅四十七
年安得有在位百年之事
總其時吐谷渾與中國
言語不通且未有親履其
境者遂爾傳聞訛舛前史
載外域事大率類此

吐谷渾可汗夸呂在位百年相承歷百屢因喜怒廢殺太子。後太
子懼謀執夸呂而降。請兵于隋邊吏請以兵應之。隋主
不許。太子謀洩被殺。復立其少子鬼王訶。訶復懼誅。謀
帥部降隋。遣使請兵。隋主曰。渾賊風俗特異人倫。父既
不慈。子復不孝。朕以德訓人。何有成其惡逆乎。乃謂使
者曰。父有過失。子當諫諍。豈可潛謀非法。受不孝之名。
溥天之下。皆朕臣妾。各為善事。即稱朕心。鬼王既欲歸
朕。朕惟教鬼王為臣子之法。不可遠遣兵馬。助為惡事。
鬼王訶乃止。

丁陳禎明元年。隋開皇七年。
未是歲。後梁亡。凡二國。
春。二月。隋開揚州山陽瀆。
見前。
邳

突厥沙鉢略可汗死。弟莫何可汗處羅侯立。

沙鉢略死。遺令立其弟葉護。

突厥官名。

處羅侯。處羅侯與沙

鉢略之子雍虞閭相讓者五六。遂立。是為莫何可汗。以

雍虞閭為葉護。莫何勇而有謀。以隋所賜旗鼓。西擊阿

波。阿波之眾以為隋兵助之。多望風降附。遂生擒阿波。

上書請其死生之命。隋主以問長孫晟。晟對曰。阿波之

惡。非負國家。因其困窮。取而為戮。恐非招遠之道。不如

兩存之。高頴亦言。宜存養以示寬大。隋主從之。

明年莫何死。兄

子頴伽施多耶都藍可汗立。

夏五月乙巳朔日食。

秋九月。隋滅梁。以其主蕭琮為昌公。

後梁自中宗營至琮。凡三王。合三十三。

年。

隋徵梁主入朝。梁主發江陵。隋主遣武鄉公崔弘度

字摩

訶衍博陵人。辯曾孫。

將兵戍之。梁主叔父巖

字義遠中宗子。

弟瓚

字欽文世宗子。

等恐弘度襲之。遣使請降于陳。九月。陳荊州刺史陳慧

紀

字元方高祖從孫。

引兵至江陵。巖等驅文武男女一萬口奔

陳。隋主聞之。廢梁國。遣高頴安集遺民。拜梁主琮柱國。

賜爵莒公。

冬十一月。陳臨平湖

注見前開。

時江南妖異特衆。臨平湖草久塞。忽然自開。陳主惡之。

乃自賣于佛寺爲奴以厭之。

初。陳高宗殂。隋主遣使赴弔。書稱姓名頓首。陳主答

之益驕。隋主不悅。已而問取陳之策于高頴。對曰。江北田收差晚。江南水田早熟。量彼收穫之際。徵徵士馬聲。

言掩襲彼必屯兵守禦。廢其農時。彼既聚兵。我便解甲。再三如此。彼以爲常。後更集兵。彼必不信。猶豫之頃。我乃濟師。江南土薄。舍多茅竹。儲積皆非地窖。當密遣人。因風縱火。待彼修立。復更燒之。不出數年。才力俱盡矣。隋主聞其策。陳人始困。及陳受蕭巖等降。隋主益忿。謂高穎曰。我爲民父母。豈可限一衣帶水。不拯之乎。命大。有戰船。人請密之。隋主曰。吾將顯行天誅。何密之。戊申。陳禎明二年。春三月。隋下詔伐陳。

詔曰。陳叔寶據手掌之地。恣谿壑之慾。劫奪閭閻。驅迫內外。窮奢極侈。俾晝作夜。斬直言之客。滅無罪之家。欺天造惡。祭鬼求恩。君子潛逃。小人得志。天災地孽。物怪人妖。每關聽覽。有懷傷惻。可出師授律。應機誅殄。在斯一舉。永清災越。又送璽書暴陳主二十惡。寫詔三十萬。緋漏諭江外。

冬十月。隋以晉王廣爲淮南行省尙書令。行軍元帥。帥師伐陳。

隋置淮南行省于壽春。以晉王廣爲尙書令。遂有事于

太廟。命廣及秦王俊。清河公楊素。皆爲行軍元帥。廣出

六合。

後周郡。隋改縣。今屬江寧府。

俊出襄陽。素出永安。廬州總管韓

擒虎。

字子通。東垣人。雄之子。

出廬州。吳州總管賀若弼出廣陵。凡

總管九十。兵五十一萬八千。皆受晉王節度。旌旗舟楫。

橫亘數千里。以高潁爲元帥。長史王韶爲司馬。軍事皆

取決焉。

潁。問郎中薛道衡曰。江東可克乎。道衡曰。克之。郭璞言。江東分王三百年。復與中國合。今此數

將周。一也。主上恭儉勤勞。叔寶荒淫驕侈。二也。國之安危。在所守任。彼以江總爲相。唯事詩酒。蕭摩訶任蠻奴。爲大將。皆一夫之用。三也。我有道而大。彼無德而小。量其甲士。不過十萬。西自巫峽。東至滄海。分之則勢懸而

力弱聚之則守此而失彼。秦王俊督諸軍屯漢口。爲上

四也。席卷之勢。事在不疑。流節度。陳以周羅睺督諸軍拒之。楊素引舟師下三峽。

軍至流頭灘。在今宜昌府東湖縣北。銜枚夜發。擊破陳將軍戚昕。

悉俘其衆。遂帥水軍東下。舟艫被江。旌甲曜日。陳之鎮

戍相繼以聞。施文慶沈客卿並抑而不言。陳江中無一

鬪船。上流兵皆阻楊素軍。不得至。護軍將軍樊毅言于

僕射袁憲。字德章君正之子。曰。京口。采石。俱是要地。各須銳兵

五千。併出金翅。舟名。二百。緣江上下。以爲防備。憲及驃騎

將軍蕭摩訶皆以爲然。文慶客卿白陳主曰。此是常事。

邊城將帥。足以當之。若出人船。必恐驚擾。及隋軍臨江。

間諜驟至。憲等奏請再三。文慶曰。元會將逼。南郊復邇。

今若出兵。事便廢闕。由是議久不決。陳主從容謂侍臣曰。王氣在此。齊兵三來。周師再來。無不摧敗。彼何爲者邪。孔範曰。長江天塹。限隔南北。今日虜軍。豈能飛渡邪。陳主以爲然。故不爲深備。奏伎縱酒。賦詩不輟。



